

И.А.КАРИМОВ

БИЗ ҚУРИШ,
ЯРАТИШ ЙЎЛИДАН
БОРАВЕРАМИЗ

ТОШКЕНТ - "УЗБЕКИСТОН" - 1995

67.99

K 26

ISBN 5-640-01992-1

**К 0804000000-137
М 351 (04) 95 95**

©"ЎЗБЕКИСТОН" нашриёти, 1995

КЕЛАЖАККА ҚАТЬЙИ ИШОНЧ БИЛАН БОҚАМИЗ

Мұхтарам дүстлар!

Бугунги мажлис күн тартибига қўйилган масалалар ҳақида гапирар эканмиз, 1995 йил биринчи ярми якунларини бозор муносабатла-рига ўтишининг иккинчи босқичи, яъни ислоҳотларни тезлаштириш ва чуқурлаштириш жараёни билан чамбарчас боғлиқ ҳолда таҳлил қилишимиз лозим. Бунда аввало, қандай вазифа ва мақсадлар олдимизда турибди, уларни амалга ошириш учун нималар қилиш кераклигини белгилаб олиш муҳимдир.

Шу маънода, мулкни давлат тасарруфидан чиқариш ва уни ҳақиқий эгалари қўлига етказиш мақсадида қилған ишларимизнинг самараси ва суръатларига баҳо беришимиз даркор.

Шуни таъкидлашимиз керакки, бу жараён 1995 йилнинг биринчи ярмида анча тезлаштирилди ва муайян натижаларга эришилди. Хусусан, ярим йил мобайнинда 4300 корхона давлат тасарруфидан чиқарилди. Июль ойининг ўзида акционерлик жамиятлари сони уч минг олти юздан ошди, улар томонидан 2 миллиард сўмлик акциялар чиқарилди, шунинг асосида қимматли қоғозлар бозори ривожланди. Фонд биржаси, кўчмас мулк биржаси, миллий депо-

зитарий каби ташкилотлар ҳам ўз фаолиятида ижобий натижаларга эришди.

Хусусийлаштиришнинг энг асосий натижаларидан бири — мамлакатда мулкдорлар табақаси пайдо бўлди, жамиятда янги психология, мулкка бўлган янгича муносабат қарор топди.

Шунга қарамасдан, бозор тизимларини ривожлантиришда камчиликлар ҳали ҳам кўп: айниқса, йирик корхоналарни хусусийлаштириш ҳаддан ташқари суст боряпти. Айрим йирик корхона раҳбарлари оғир молиявий аҳволни рўкач қилиб, бу масалани пайсалга соляпти. Коммунал хизмат кўрсатиш вазирлиги, "Ўзбошқурилишёғочсаноат", "Ўзбектрансқурилиш", "Тошкентуйжойинвестқурилиш" раҳбарлари хусусийлаштириш вазифаларини бажара олмади.

Хоразм, Наманган, Қашқадарё ва Навоий вилоятларида ҳам хусусий ва кичик корхоналар ташкил этиш борасида ярим йиллик дастурлар бажарилмади.

Айрим тармоқларда хусусийлаштириш барча қуий поғоналарга етиб бормаяпти, уларни қамраб олмаяпти. Масалан, қурилиш тармоғида хусусийлаштириш трестлар ва бирлашмалар дарражасида амалга оширилмоқда, холос.

Пудрат ташкилотларини хусусийлаштириш ҳам жуда суст бормоқда, натижада буюртмачилар маблагини юқоридан тақсимлаш усули сақланиб келмоқда. Шу сабабли ҳам республикада ҳанузгача пудрат ишлари бозори шаклланган эмас.

Хусусий корхоналар ишининг етарли самара бермаётганилиги бизни ташвишга солмоқда. Бу, айниқса, қишлоқдаги хусусий ва фермер

хўжаликлари фаолиятига тегишилдири. Ташкил бўлган кўп корхоналар тадбиркорлик тажрибаси йўқлиги, билимлари савияси пастлиги, ҳокимликлар ва марказий идоралар уларга етарлича ёрдам бермаслиги туфайли ўз ишини ривожлантира олмаяпти ёки тўхтаб қоляпти.

Шунинг учун бу соҳада ҳали кўп иш қилиниши керак. Яъни мулкдорлар ва тадбиркорларни қўллаб-қувватлаш, айниқса, муҳим аҳамиятга эга. Чунки тадбиркорлар эҳтиёжни ҳисобга олиб бозорни тўлдиради, ўзи ҳам манфаат кўради, бошқаларга ҳам нафи тегади. Уларни юртпарварлар деб аташ мумкин. Ҳокимликлар, вазирликлар бу масалага жиддий эътибор беришлари керак.

Хусусийлаштиришнинг ҳозирги босқичида иккита вазифа турибди.

Биринчиси — тадбиркорларнинг ишчанлик қобилиятини кескин кўтариш. Шу билан бирга, ўзларини тиклаб олишлари учун уларга амалий ёрдам бериш, кенг имкониятлар очиш.

Бу вазифаларни бажаришда куни кеча ташкил қилинган кичик бизнесни ва хусусий тадбиркорликни қўллаб-қувватловчи маҳсус Бизнес фонд ва шу фонд билан чамбарчас боғланган Суғурта агентлигига катта ишонч ва умид билан қараймиз.

Иккинчи вазифа хусусийлаштириш жараённига аҳолининг барча қатламларини жалб қилиш билан боғлиқдир. Бу эса кўчмас мулк ва қимматли қоғозлар бозорларини тезлик билан ташкил этиш ва ривожлантиришни талаб этади.

Ҳозирги босқичнинг муҳим вазифаларидан бири — бу молиявий барқарорликка эришишдир. Ўтган яром йил ичida бу соҳада бирмунча

ижобий натижалар қўлга киритилди. Хусусан, инфляция даражасининг кескин пасайиши бу борадаги сиёсатимизнинг муҳим натижаларидан биридир. Уни йил бошидаги 16—17 фоиздан июнь ойида 1,9 фоизга туширишга эришдик. Еки, 1995 йилнинг биринчи чорак якунлари бўйича бюджет камомади ялпи ички маҳсулотга нисбатан 1,2 фоизни ташкил этган бўлса, бу ҳолат ярим йиллик давомида ҳам шу даражада сақлаб қолинди.

Молиявий барқарорликка эришишнинг ҳозирги кундаги энг асосий муаммоси миллий валютамизнинг қувватини оширишdir.

Халқимизнинг фаровонлиги, ҳаётнинг кўркамлашиб бориши кўп жиҳатдан шу масаланинг ҳал этилишига боғлиқ. Шу сабабли ҳам бу масалага энг устувор йўналишлардан бири деб қарамоқ лозим.

Бу борадаги асосий муаммо — сўмимизнинг ички конвертациясига, унинг бошқа мустаҳкам валюталар билан эркин алмашувига эришиш. Бу эса ҳозирги кунда нақд пул эмиссиясини зудлик билан тартибга солишини талаб этади.

Биринчи ярим йилликда бу борада сезиларли натижаларга эришилди. Агар жорий йилнинг биринчи чорагида эмиссия даражаси 17,6 фоизни ташкил этган бўлса, иккинчи чоракда 8,2 фоизгача камайди.

Айни вақтда айрим вилоятларда эмиссия муаммосига етарли ўтибор берилмаяпти. Қорақалпоғистон Республикаси, Жizzах, Навоий, Қашқадарё, Бухоро, Сурхондарё ва Сирдарё вилоятларида эмиссия даражаси республикадаги ўртacha кўрсаткичдан анча юқори ҳолда қолмоқда. Бунинг сабаби шундаки, бу жойларда аҳолига зарур товар, хизматлар

таклиф этилмаяпти. Содда қилиб айтганда, халқимизнинг эҳтиёjlари қондирилмасдан қолиб, уларнинг қўлида бўлган нақд пул хазинага қайтиб тушмасдан, эмиссия даражаси ортиб кетмоқда. Бу ерларда Самарқанд, Наманган, Андижон, Қўқондагидек одамнинг "жони" дан бошқа ҳамма нарса топиладиган дўконлар жуда кам.

Аҳвол шундай бўлгач, ўша вилоят-туманларда маош тўлашда қийинчилик пайдо бўлганда кимни айблаш керак?

Кўп марта айтилган фикрни яна бир карра такрорлашга мажбурман. Агар валютамиз етарли даражада товарлар билан қопланмаса, унинг қувватли ва обрўга эга бўлиши амримаҳол. Буни ҳаммамиз англаб олишимиз лозим. Шунуқтаи назардан қараганда, биринчи ярим йилликда, Тошкент шаҳрини мустасно қилганда, барча вилоятлар чакана товар айланмасини 1994 йилнинг биринчи ярмига нисбатан кескин камайтириб юборганини қандай баҳолаш мумкин?

Қорақалпогистон Республикаси, Сирдарё, Тошкент вилоятларида аҳолига пуллик хизмат кўрсатишга етарли зътибор берилмади. Навоий, Самарқанд, Сурхондарё, Тошкент ва Фарғона вилоятларида халқ истеъмол товарлари ишлаб чиқаришнинг ўтган йилдагига нисбатан камайишига йўл қўйилди.

Албатта, сўнгти пайтларда биз товар бозорини анча тўлдиришга эришдик. Аммо бу кўпроқ импорт ҳисобига амалга оширилди. Импортни рағбатлантириш билан бирга ўзимизда ишлаб чиқаришни ривожлантиришни ҳам унутмаслигимиз лозим.

Минг афсуски, бугунги кунда кўпгина корхоналаримизда ишлаб чиқарилган маҳсулот ўз харидорларини тополмаслиги ҳеч чидаб бўлмайдиган ва миллий шаънимизга мос келмайдиган ҳолдир.

Тасаввур этинг: бир томондан, кўплаб корхоналарнинг омборларида тайёр маҳсулот тўлиб-тошиб ётибди, шу маҳсулотни ишлаб чиқариш учун оддий ишчининг меҳнати сингган. Иккинчи томондан эса, корхоналар айланма маблағларининг ҳаракатсизлиги оқибатида шу молни, шу товарни ишлаб чиқарувчиларга иш ҳақи бериш имкони йўқ. Одамларга ишлаб топган ҳақини вақтида бермаслик эса — адолатсизликдир. Бундай ҳолни ўзгартириш учун, авваламбор, раҳбарларнинг масъулиятини ва керак бўлса, жавобгарлигини қатъий кучайтириш зарур.

Шунинг учун маош — ойлик ўз вақтида берилмаётганига ким сабабчи, шуларни аниқлаб, ҳақиқий ҳолатни одамларимизга етказиш даркор. Токи, улар ҳукуматдан, банкдан беҳуда ранжиб юрмасин.

Яна бир муаммо шундан иборатки, кўплаб корхона раҳбарлари ҳанузгача экспорт имкониятларини ошириш, маҳсулот сифатини дунё даражасига tenglashтириш ҳамда ишлаб чиқариш харажатларини камайтириш борасида етарли жонбозлик кўрсата олмаяптилар.

Бу масалалар ривожланган мамлакатлар фирмалари учун энг муҳим ҳисобланади. Улар таркибида фирма фаолиятининг юқори самародорлигини таъминловчи маркетинг, яъни оддий тил билан айтганда, чиқараётган молнинг бозорини олдиндан ўрганиш, стратегик тадқиқотлар каби узоқни кўзлайдиган бўлимлар мувафф

фақиятли иш олиб боради. Аслида, маркетинг биз учун янгилик эмас. Ота-боболаримиз, қадимги савдогарлар шу усулда ишлаган.

Очигини айтсак, бугунги аксарият вилоят раҳбарлари ва фаолларимиз бундай муаммолар ҳақида ҳали-бери бош қотирадиган ҳам эмас. Шунинг учун ҳам чет элдан мол келтиришини ташкил этиш ўрнига Тошкентга — пойтахтга нақд пул келтириб, товар ташиб кетмоқдалар.

Ҳозирги вазият тўлов интизомини мустаҳкамлаш бўйича жиддий ишларни амалга оширишни тақозо этади. Зоро, молиянинг барқарорлиги пул айланишининг ва умуман, иқтисадимизнинг ҳолати шу масаланинг тўғри ҳал қилинишига боғлиқ.

Биринчи ярим йилликда корхоналараро қарзларни камайтириш бўйича сезиларли ишлар қилинди. Республика бўйича йил бошидаги дебитор қарздорлик 68,5 миллиард сўмдан 46 миллиард сўмга камайтирилди.

Шунга қарамасдан, бу борадаги аҳвол ўта жиддий. Кўплаб корхона ва ташкилот раҳбарлари бу масалани ҳал қилиш учун етарли даражада жавобгарликни ҳис этмаяпти.

Бир қанча уюшма ва вазирликлар тизимида кўрилаётган чора-тадбирларга қарамай, миллиард сўмлаб дебитор қарзлар мавжуд.

Нега бундай бўляпти?

Ҳаммамизга маълумки, эски тузумда истеъмолчилар ишлаб чиқарувчиларга "бириктириб" қўйилар ва улар маҳсулотни, сифати ва қандайлигидан қатъи назар, сотиб олишга мажбур эдилар.

Шунга кўра ҳисоб-китоблар банклар орқали марказлашган ҳолда амалга ошириларди, ҳар йилги идоралараро дебитор ва кредиторлик

ҳисоб-китоблари давлат кредитлари ҳисобидан қопланар эди.

Шундай услубда ишлаб суюги қотган айрим раҳбарлар ҳозир ҳам эски тузумнинг тартибига асосланиб иш олиб бормоқда. Шу сабабли улар жўнатган маҳсулоти учун қарзларни талаб қилиб олишда қатъият кўрсатмаяпти.

Кўпгина раҳбарларда боқимандалик кайфијати устун, давлат бизни оғир аҳволга ташлаб қўймайди, деган илинж сақланиб қолмоқда. Улар бошчилик қилаётган корхоналар ҳеч қандай ғам-ташвишсиз, маҳсулотни бемалол омбор учун ишлаб чиқарибгиназ қолмай, балки қарзлар ҳам орттирадилар, сўнгра эса, ўз қарзларини давлат зиммасига юклаб, уларни қоплаш учун кредит, қўшимча айланма маблағлар сўрайдилар.

Бундай усулда ишлаётган раҳбарлар ва корхоналар бир нарсани қатъий англаб олишлари лозим: давлат уларнинг масъулиятсизлигига ортиқ тоқат қилолмайди.

Бундай ҳолнинг олдини олиш мақсадида ҳукумат қарори билан кенг ҳуқуқларга эга бўлган маҳсус комиссия тузилди ва унинг зиммасига мана шундай начор ва беқарор аҳволда ишлаётган корхоналар тақдирини ҳал қилиш вазифаси юкланди. Агар қай бир ташкилот ва корхона ишини ва самарасини ошириш имкони топилмаса, банкротлик қонуни асосида бундай инқирозга дуч келган корхона ва хўжаликлар тарқатиб юборилади, уларнинг раҳбарлари масъулияти кўриб чиқилади, лозим бўлса жавобгарликка тортилади.

Тўлов интизомининг ҳозирги ҳолатини ҳисобга олиб, яқин вақтларда амалга ошири-

шимиз лозим бўлган вазифаларга тўхталиб ўтмоқчиман.

“Ўзистиқболстат”нинг умумий раҳбарлигига республикада тўлақонли маркетинг, яъни харид бозорини ўрганиш сиёсати ишлаб чиқилиши ва амалга оширилиши лозим.

Ҳокимликлар, “Ўзбександо”, “Ўзбекбирлашув”, Марказий банк ва тижорат банклари ҳуқуқини ҳимоя қилиш органлари билан биргаликда савдо қилувчи ташкилотлар томонидан тушумларнинг тўлиқ топширилиши, товарларни майда улгуржи сотиш тартибига ва касса интизомига риоя қилишлари устидан қаттиқ назорат ўрнатишлари зарур. Қоидаларни бузишларга йўл қўйилгандა айборларни қаттиқ жаобгарликка тортиш керак.

Вазирликлар, идоралар, корхоналар ва уюшмалар банклар иштирокида ўзларининг ўзаро қарздорликларини таққослашлари ва уни тўлашга қаратилган зарур ҳисоб-китобларни амалга оширишлари керак.

Айланма маблағларнинг ҳаракатсиз қолишига барҳам бериш даркор. Савдо ташкилотлари кўп ойлар мобайнида сотилмай келаётган товарлар нархини қайта кўриб чиқишига, уларни сақлаш муддатларига, мавсумийлигини назарда туттган ҳолда, атрофлича ёндашишлари керак.

Қабул қилинган ҳукуматлараро битимларни амалга оширишда корпорациялар ва корхоналарнинг раҳбарлари республикага товарлар ўз вақтида келтирилишини қаттиқ назорат қилишлари ва “Ўзулгуржибиржасандо” уюмаси билан ҳисоб-китобларни вақтида амалга ошириш учун маблағлар захирасини яратишлари керак.

Банклар мижозлар билан биргаликда векселларни жорий қилиш амалийтини кенгайтиришлари зарур.

Яна бир бор таъкидламоқчиман: миллий валютамиз — сўмни мустаҳкамлаш мамлакатимизнинг иқтисодий мустақиллигига эришишнинг энг зарур шарти ҳисобланади.

Ҳозирги куннинг энг долзарб вазифаларидан бири ишлаб чиқариш, умуман, иқтисодистнинг таркибий ўзгаришларини изчил давом эттиришдир. Бу ўзгаришлар нимадан иборат?

Аввало, иқтисодистимизнинг устувор тармоқларини, Ўзбекистоннинг жаҳон бозорида ўзига мос ўрнини эгаллашига қаратилган салмоқли тармоқларни тез суръатлар билан ривожлантиришни таъминлаш даркор. Шулар билан бирга, халқ хўжалигининг устувор тармоқларида тўлов ва ҳисоб-китобларни тартибга келтириш учун маҳсус чора-тадбирлар кўриш керак.

Айтайлик, пахтачилик мисолида бу муаммони яхшилаб тушуниб олишимиз ва тегишли хulosалар чиқаришимиз зарур. Ҳисоб-китобларга кўра, республикамиз халқ хўжалигининг 70 фоизидан кўпроғи технологик жиҳатдан пахтачилик билан боғлиқ. Бир хил корхоналар пахтачилик учун техника, ўғит ва бошқа маҳсулотлар берса, бошқалари унинг маҳсулотларини қайта ишлаш билан машғул.

Шу сабабли ҳам, мана шу боғлиқликда ўзаро тўловларнинг бир жойда бузилиши бутун технологик жараёндаги тўловлар тизимиға салбий таъсир этади. Аммо бундай тўловлар бузилишидан пахтачилик соҳасидаги хўжаликлар кўпроқ жабр кўряпти.

Кўз олдимиизга келтирайлик: паҳтакор оғир меҳнати эвазига стиштирган ҳосилини октябрь-ноябрь ойида йиғиб-териб топширгач, дам ҳам олмай, янги ҳосил учун тайсргарлик ишларини бошлаб юборади.

Ҳосилни терди, заводга топшириди. Кейин нима бўлади? Завод қачон тола ишлаб чиқаради, уни кимга ва қайси нархда сотади, қачон деҳқонга паҳтанинг пулини тўлайди? Бу билан мен нима демоқчиман? Агар шу технологик жараённи деҳқон срни шудгорлашдан тортиб, то паҳтани сотиб пулини олгунга қадар ҳисоблаб кўрсак, 18 ой ўтар экан. Демак, деҳқоннинг машаққатли меҳнати эвазига оладиган даромади 18 ойга чўзилар экан. Бунга қандай баҳо бериш керак? Боз устига, хўжалик счётида пул йўқ, унга тўланмади, бунга тўланмади, деб баъзи бир воситачи кўрхона раҳбарлари деҳқонни айбордor ҳам қилишади. Бу муҳим масаланинг қандай счими бор? Жаҳон тажрибасига зътибор берилса, харидор деҳқонга бўлажак ҳосил учун баҳордаёқ аванс, яъни олдиндан пул беради. Бу унга ҳосилини бемазлол етиштириш имконини туғдиради, ишончни мустаҳкамлайди.

Нега биз шу усулни қўллашимиз мумкин эмас? Шу мақсадда янги "Паҳтабанк" ташкил этилди. "Ўздавпаҳтасаноатсотиш" ўюшмасининг айланма маблағлари ҳажми кўпайтирилди. Мана шу ташкилотлар бундан буён паҳтакорга тегишли аванс бериб туради. Шулар эвазига энди у ўз даромадини 18 ой кутмайдиган бўлади.

Бундан ташқари, экспортни кенгайтириш ва импортни камайтириш билан боғлиқ бўлган

ишлиб чиқаришни жадалроқ ривожлантириш зарур. Бу йўналиш республикага нефть ва дон мустақиллигига тўла эришиш имконини беради.

Иқтисодиётимизда чет эл инвестициялари борган сари муҳим роль ўйнамоқда. Агар 1994 йилда уларнинг улуши капитал маблағлари умумий ҳажмида бир фоиздан камроқни ташкил қилган бўлса, иккинчи чоракда эса 20 фоиздан зиёд бўлди.

Бугунги энг долзарб масалалар тўғрисида гапирав эканмиз, қишлоқ аҳолиси учун янги иш жойларини ташкил этиш, уларнинг ижтиёмий муаммоларини ҳал этиш ислоҳотлар иккинчи босқичининг энг муҳим вазифаларидан бири деб қаралмоғи керак.

Қишлоқда иқтисодий ислоҳотларни чуқурлаштириш меҳнат қилиш имконияти доирасини кенгайтириш билан узвий боғлиқдир.

Халқимизнинг ўзи туғилган, киндик қони тўқилган жойга ниҳоятда меҳрли бўлиб, боғланиб қолганини, яъни "дайди" бўлиб кўчиб юриш одати йўқлигини назарда тутадиган бўлсак, қишлоқда одамларни иш билан таъминловчи кичик ва хусусий корхоналарнинг тез ривожланиши қишлоқ хўжалигига ислоҳотларни тезлаштириш имконини беради.

Кейинги пайтларда қишлоқ жойларда қайта ишлаш ва ёрдамчи ишлиб чиқариш тармоқларини ташкил қилишга зътибор анча кучайди.

Буни катта мамнуният билан таъкидлаймиз. Лекин бу борада қилинадиган ишлар ҳам ҳали кўп. Уларнинг суръатлари ва салмоғи етарли эмас. Бу ҳолатга яқинда бўлиб ўтган идоралараро кенгаш мажлисида атрофлича баҳо берилди. Унинг қарорига кўра яқин вақт ичидা

республика идоралари Қорақалпогистон Республикаси Вазирлар Кенгаши, вилоят ҳокимларлари билан ҳамкорликда қишлоқ жойларда ишлаб чиқариш инфраструктурасини ривожлантириш дастурини тайёрлашлари керак.

Ислоҳотларимизнинг муҳим манбаларидан бири — Ўзбекистоннинг халқаро ташкилотлар билан кучайиб бораётган ҳамкорлигининг давом эттирилиши ва кенгайтирилишидир. Бунда ташқи алоқаларни ривожлантиришга ва эркинлаштиришга алоҳида зътибор берилади.

Узоқ хорижий мамлакатлар билан экспорт ва импорт қилишнинг умумий ҳажми ўтган йилнинг шу даврига нисбатан тегишли равишда 50,5 фоиз ва 38,5 фоиз кўпайди. Экспорт-импорт умумий ҳажмининг сальдоси бизнинг фойдамизга бўлиб, 201,2 миллион АҚШ долларини ташкил этади. Бу билан ҳар қанча фахрлансак арзийди, албатта.

Эришилган ютуқларнинг энг муҳимларидан бири — одамлар бозор шароитларига мослашиб бормоқда, меҳнат қилиш турлари ва соҳалари кенгаймоқда, даромад олишнинг қўшимча имкониятлари пайдо бўлмоқда. Энг муҳими, халқимиз руҳида бу жараёнларни теран тушуниш туйғуси, яқдиллик бор!

Аҳоли пул даромадларининг деярли учдан бир қисми шахсий ёрдамчи хўжаликлар, тадбиркорлик, хусусий мулк улушига тўғри келмоқда.

Оқсил моддаларга бой ва ёғли озиқ-овқат маҳсулотлари истеъмол қилиш кўпайди. Ноң маҳсулотлари истеъмолининг сезиларли камайиши билан бир қаторда, гўшт маҳсулотлари истеъмоли — 25 фоиз, ўсимлик ёғи истеъмоли — 17 фоиз, мевалар — 23 фоиз, сабзавот ва полиз

экинлари маҳсулотлари — 13 фоиз, қанд-шакар истеъмоли 2 фоиз ўси.

Кам таъминланган оиласаларга моддий ёрдам кўрсатишнинг янги механизми жорий этилди. Ярим йил ичida бу мақсадлар учун давлат бюджетидан 750 миллион сўм ажратилди.

Ижтимоий муҳофаза ҳақида гап кетгандা, бу борадаги сиёsat ҳалқимизнинг туб манфатларини ҳимоя қилиш билан бирга одамларнинг меҳнат фаоллигини оширишга, уларда тадбиркорлик руҳининг ривожланишига ёрдам бериши лозимлигига ҳам алоҳида тўхталиб ўтмоқчиман.

Яъни бу сиёsatимиз оқибатида одамлар боқимандалик кайфиятидан батамом ҳолос бўлиши бизнинг пировард мақсадимизdir.

Бу йил далаларимизда мўл пахта ҳосили етиширилди. Уни нес-нобуд қилмай йиғишириб олиш ҳар биримизнинг ватанпарварлик бурчимиздир. Деҳқонларни қўллаб-қувватлаш, рағбатлантириш мақсадида бу йил пахта харид нархи етти-саккиз баравар оширилди. Бу хўжаликларимизнинг молиявий аҳволини яхшилашга имкон беради. Хулоса қилиб айтсак, Ўзбекистон ўз истиқболининг устувор йўналишларини белгилаб олиб, ислоҳотлар йўлидан аниқ мақсадни кўзлаб ҳаракат қилмоқда.

Ислоҳотларимизнинг иккинчи босқичини таҳлил қилар эканмиз, жаҳон ҳамжамиятининг танланган йўлимиз тўғрисидаги баҳосини на зарда тутиб, биз уни сиёсий барқарорликка, пухта ўйланган, босқичма-босқич дастурга асосланган йўл дейишимиз мумкин. Буни бутун дунё тан олмоқда.

Биз танлаган йўл республикага танг аҳволдан чиқиш, иқтисодиётни кўтариш, жаҳон ҳамжамиятида ўзининг муносаб ўрни ва қиёфасига эга бўлган мустақил давлат сифатидә жаҳон хўжалик тизимига бирлашиш имконини беради. Келажагимизга биз ишонч ва умид билан боқамиэ.

Ярим йиллик якунлари ҳақида гапирап эканмиэ, ғаллакорларимиз эришган ютуқларни яна бир карра таъкидлаш жоиз. Зоро, уларнинг меҳнат ғалабаси барчани қувонтиради, ғайратимизга ғайрат, кучимизга куч қўшади.

Бугун мана шу юксак минбардан фойдаланиб, ҳақиқий фидойилик, ҳақиқий юртпарварлик намунасини кўрсатган муҳтазам ғаллакорларимизга халқимиз, ҳукуматимиз ва шахсан ўз номимдан миннатдорлик билдираман.

Ўтиш даври мураккабликларига сабот ва чидам билан дош бериб, ёруғ кслажакка ишонч билан яшаётган, меҳнат қилаётган халқимизга баҳт-саодат, куч-қувват, руҳий бардамлик, хонадонларига тинчлик-тотувлик ва барака тилайман.

1995 йил 29 июлда
Ўзбекистон Республикаси Вазирлар
Маҳкамасининг 1995 йил
бираинчи ярим йиллик якунларига
багишлиланган мажлисида
сўзланган нутқ

»

МАЊАВИЙ БИРЛИК САРИ МУҲИМ ҚАДАМ

Муҳтарам Президентлар, жаноби олийлари!

Муҳтарам хонимлар ва жаноблар, дўстлар!

Аввало, мен қирғиз дўстларимизга меҳмондўстлик, шод-хуррамлик ва олий дараҷада наибатдаги учрашувни яхши ташкил қилганликлари учун Ўзбекистон делегацияси номидан самимий ташаккур изҳор этмоқчиман.

Истанбул учрашувидан кейин ўтган давр ичида содир бўлган воқеаларни таҳлил эта туриб, мен, аввало, диққат-эътиборни одамларимизнинг психологияси ва руҳиятидаги чуқур ҳамда муқаррар ўзгаришларга, мустақилликнинг қисқа даври мобайнида уларнинг мањавий ва сиёсий ўзлигини англаши тарихан янгича шаклланганлигига қаратишни истардим. Бугун биз бу ерда, қирғизлар диёрида халқларимизнинг мањавий қайта тикланиши таг-замили ва муқаррар тусда эканлигига яна бир бор ишонч ҳосил қиляпмиз.

Яқиндагина амалда барча туркийзабоқ давлатлар жаҳон маданияти ривожига ғоят катта ҳисса қўшган қозоқ халқининг буюк фарзанди Абай таваллудини ишонладилар.

Қирғиз халқи мањавий маданиятининг ноёб ёдгорлиги — "Манас"нинг минг йиллигини шу

кунларда бутун туркийзабон дунё тантана билан ишонламоқда. Бу буюк достон қирғизларнинг эркесварлик руҳи, уларнинг яшаш учун кўп асрлар мобайнида олиб борган машиқатли кураши, чет эллик золимларга қарши курашда халқнинг бирлашуви тимсолидир. У узоқ ўтмиш манзараларини акс эттирибгина қолмай, қирғиз халқи ҳамда Марказий Осиёда яшовчи барча халқларнинг тинчлик, ҳамкорлик ва иноқлик тўғрисидаги эзгу орзу-умидларини ҳам ифодалайди.

Истанбул учрашувидан кейин ўтган ойлар ниҳоятда жўшқин ва воқеаларга бой бўлди. Бугунги учрашувимизда халқларимиз билан давлатларимизни бир хилда тўлқинлантираётган ва бизнинг келажагимиз уларнинг ҳал этилишига боғлиқ бўлган, ҳаётимиздаги энг муҳим муаммолар юзасидан фикрлашиб олиш зарур деб ўйлайман.

Давлатларимиз олдида кенг имкониятлар очиляпти, айни вақтда эса бизнинг олдимиизда ҳақиқий хавф-хатарлар турибди.

Миллий мустақилликни мустаҳкамлаш, янги мустақил туркийзабон давлатларда тизимли ўзгартиришларни амалга оширишдан иборат жуда мушкул ва тоят мураккаб жараён дунёда эзгулик билан ёвузлик, инсонпарварлик билан зўравонлик бир-бирига қаттиқ қарама-қарши турган шароитда, баъзан ҳудудларимиздан анча олисда туриб бошқарилётган, мамлакатлар ва сиёсий кучлар таъсир кўрсатаётган шароитда ўтапти. Шу боисдан ҳам бизнинг учрашувларимиз очиқ тусда бўлиши лозим ва бунга менинг ишончим комил.

Мен яна бир бор шуни таъкидламоқчиманки, халқларимизнинг тарихий, этник-маданий,

маънавий яқинлигидан иборат қатъий фактни қайд этиш мана шу чуқур тарихий-маданий омилга сиёсий ёки айниқса ҳарбий-сиёсий тус бериш йўлидаги уринишларга айланиб кетмаслиги керак. Бизнинг маънавий бирликка эришиш йўлидаги тарихий жараён асло бошқа давлатларнинг манфаатларига қарши қаратилган эмас.

Туркӣзабон давлатлар бошлиқларининг мунафазам учрашувларидан кузатилган асосий мақсадни биз қандай тасаввур қиласмиш?

Бизнинг тасаввуримиз ҳам кўп томонлама, ҳам икки томонлама инсонпарварлик, маънавий-маданий алоқаларни ривожлантиришга бутун чоралар билан кўмаклашишдан, савдо ва иқтисодий муносабатларни жадаллаштиришдан, кескин экология муаммоларини, биз Копенгагенда ўтказилган жаҳон ижтимоий анжуманида дунё миқёсида ҳам, минтақавий миқёсда ҳам кўтариб чиққан инсон омили масалаларини ҳал этиш учун куч-ғайратларни жипслаштиришдан иборатdir.

Маданиятларнинг бирлиги асос қилиб олингэн учрашувларимизни мана шу нуқтai назардан авайлаб-асраш ва уларнинг нодирлигини таъкидлаш лозим.

Этник-маданий анъаналарни қўллаб-қувватлаш — олий даражадаги анжуманимиз мақсадидир. Учрашувларнинг асосий сабаби сифатида шу принципни сақлаб қолиш керак.

Бишкек декларациясига айни шундай ёнда шув асос қилиб олиниши лозим деб ўйлайман.

Бу ерда, менинг назаримда, халқаро ташкилот сифатида ЭКОни қандай тасаввур этишимизни кўрсатиб ўтиш ҳам ўринли бўлар эди.

Бу ерда ҳозир бўлган барча туркийзабон давлатлар шу ташкилот фаолиятида амалий иштирок этмоқдалар. Биз ЭКО нафақат савдо-иқтисодий ташкилот деб биламиз. Бизнинг назаримизда, бу халқаро тузилмага сиёсий тус бериш йўлидаги уринишлар унинг мақомига ҳам, мақсадларига ҳам, ҳақиқий аҳамиятига ҳам мос келмайди.

ЭКОга аъзо бўлган мамлакатларга шундай кичик минтақавий тузилма кўпроқ тўғри келадики, бундай тузилмалар бўлган жойларда кўп томонлама қоидалар амал қиласди, шунда ҳарбий-сиёсий бирликлар тузишга эҳтиёж қолмайди.

Ўз-ўзидан равшанки, вужудга келаётган вазиятда тинчлик ва барқарорликка, шу жумладан, Марказий Осиё минтақасидаги тинчлик ва барқарорликка ҳам минтақамиз чегараларида мавжуд бўлган қарама-қаршиликлар, бир-бирига қарши курашлар ва ҳатто урушлар давом этаётганилиги билан хавф-хатар туғилаётганилиги ҳақида галирмасдан ўта олмаймиз.

Тожикистон ва Афғонистондаги аҳвол бизни ташвишлантирмай қола олмайди. Мамлакатларимиз раҳбарлари ана шу давлатлардаги мажаро сўндирилишидан ва минтақада барқарорлик таъминланишидан доимо манфаатдор бўлишлари керак.

Қўшниларимизда вазият барқарорлашувидан биз манфаатдормиз.

Бундай барқарорлашув энг аввало Афғонистон ва Тожикистон халқларининг ўзлари учун зарур. Ўзимизнинг ислоҳот ва ўзгартиришларимизни осойишта вазиятда ўтказишимиз учун бу нарса бизга ҳам зарур.

Навбатдаги масала. Наркотик моддалар ва наркобизнес мустақил давлатларимизнинг миллий хавфсизлигига жиддий таҳдид солаётганини эътиборга олиб, бу иллатга қарши курашда куч-гайратларимизни бирлаштириш лозим деб ўйлайман. Наркотик моддалар ишлаб чиқариш, тарқатиш ва истеъмол қилишга қарши курашнинг кучайтирилишини кўзда тутувчи давлатлараро қўшма дастурни ишлаб чиқиши зарур.

Ер куррасининг кўпгина минтақалари каби Марказий Осиё ҳам ғоят катта миқёслардаги экологик оғатларга дуч келяпти. Аввало, бу Орол денгизи фожиасига тааллуқлидир. Орол атрофидаги экологик вазият ўз кўламлари ва зҳтимол тутилган оқибатларига кўра минтақавий змас, балки кўпроқ жаҳоншумул муаммодир. Шу муносабат билан биз БМТнинг Орол бўйича конференциясига катта умид боғлаяпмиз. Конференция шу йил сентябрь ойи охирларида Нукусда бўлиб ўтади ва ҳаммани унинг ишида фаол қатнашишга таклиф этамиз.

Мамлакатларимиз ва халқларимизнинг Энг аввало савдо-иқтисодий соҳадаги баҳамжиҳат бирлашиб ҳаракат қилиш муаммолари — учрашув қатнашчиларининг диққат-эътиборини қаратмоқчи бўлганим янга бир масаладир. Олий даражадаги анжуманимиз ҳеч кимнинг олдига алоҳида сиёсий талаблар қўймайди.

Баҳамжиҳат ҳаракатимиз руҳи мустақилликни, суворенитетни, ҳудудий яхлитликни ҳурмат қилиш, тенг ҳуқуқлилик, бир-бирларининг ички ишларига аралашмаслик каби энг муҳим принциплар асосига қуриляпти.

Мұхтарам жаноб Президентлар!

Ўзбекистоннинг ташқи сиёсий йўлида кенг миқёсдаги икки томонлама ва кўп томонлама алоқалар ўрнатишга интилиш ўз ифодасини топган. Бунда биз ёндашувнинг асосий мезони — Ўзбекистон Республикасининг давлат манфаатлари эканлигини яширмаймиз. Аҳдлашувчи икки томоннинг миллий манфаатларини бирбири билан боғлаш ҳамиша ниҳоятда қийин иш бўлган. Давлатларо даражада эса шундай қилиш яна ҳам мураккабдир. Шу боисдан биз бу ишдаги қийинчилкларга ҳамда вақти-вақти билан етарлича кескин намоён бўлиб турадиган ҳалқаро муаммоларга сабр-тоқат билан ва тушуниб муносабатда бўляпмиз. Ана шу муаммоларнинг кўпи Ўзбекистон давлат мустақиллигига эришмасдан анча аввал юзага келган.

Биз шуяга асосланамизки, ҳар қандай можароли вазият ўзаро ёнбосишлиар асосида тинч сиёсий мулоқот олиб бориш йўли билан бартараф этилиши лозим. Тутилган йўлларниң муросасиалиги, уларни янада кучайтириш зўравонлик ва террор оддий кураш усулларига айланиб қолган, наркобизнес авж олаётган, қонунга хилоф равишда қурол-яроғ билан савдо қилинаётган шароитда айниқса хатарлидир.

Тинчлик, барқарорлик, ҳамкорлик — Ўзбекистон давлати таяниб қурилаётган ва қад кўтариб турадиган учта устундир.

Шу билан бирга биз бир-бири билан боғлиқ ҳозирги дунёниң бутун мураккаблиги ва бир хил эмаслигини тан оламиз ҳамда кўпчилик бўлиб куч-ғайрат сарфлаш мумкинлигини инкор этмаймиз. Шу муносабат билан мени мамлакатларимизнинг ташқи сиёсий фаолиятини мувофиқлаштириш, бу соҳадаги мавжуд хилма-хилликни бартараф этиш ниҳоятда зарур-

лигини, "Ташаббуслар танлови" ва чексиз "Ташкилий плюрализм"нинг номатлублигини таъқидлашни истардим.

Бирлашиш "омили" Марказий Осиё давлатлари учун айниқса долзарбдир. Уни тан олиш Қозогистон, Қирғизистон, Ўзбекистон иштирокидаги минтақавий ҳамжамиятни ташкил этишга олиб келди. Бу давлатлар биргаликдаги куч-ғайратлари билан ўзларининг маърифатли истиқболини шакллантиришга, тараққиёт ва фаровонлик йўлида ривожланиб боришга қарор қилдилар. Марказий Осиё давлатлари ҳамдўстлигининг ташкил этилиши уларнинг бошқа қўшни давлатлардан алоҳида ажралиб чиқишини билдиrmай, балки у бозор сари ўтиш шароитида уларнинг катти-ҳаракатларини жипслаштиришга қаратилгандир.

Бирлашиш жараёнини авж олдирмай туриб, Марказий Осиёда тараққиётни ва халқларнинг муносаб турмушини таъминлаш мумкин эмаслигини англаб этиш ниҳоятда муҳимдир. Бирлашиш фақат иқтисодиёт ва ишлаб чиқариш соҳасинигина эмас, шу билан бирга маънавий, маданий, илмий соҳаларни ҳам қамраб олиши керак.

Муҳтарам жаноб давлат бошлиқлари!

"Манас" достонининг минг йиллиги байрам қилинаётган кунларда қирғиз диёрида ўтказилаётган учрашувимиз амалдаги самара-ларини беришига, давлатларимиз ва халқларимиз ўргасидаги бирлашиш жараёнларини янада авж олдиришга хизмат қилажагига астойдил ишонаман.

Қардош халқларимиз ўргасидаги муносабатларда Бишкек учрашувининг қардошлиқ, хайрихоҳлик руҳи ҳамиша ҳамроҳ бўлишига ва

уларнинг тобора яқинлашувига ҳамда тинчлик, баҳт-саодат ва равнақ йўлида тараққий этишига кўмаклашишига ишончим комил.

Пировардида шу учрашувнинг ташкилотчи-ларига, хусусан, Қирғизистон Президенти жа-ноб Асқар Акаевга Ўзбекистон делегацияси номидан яна бир карра миннатдорлик изҳор этишимга ижозат бергайсиз.

Эътиборларингиз учун ташаккур.

*1995 йил 28 августда Биш-
кеқда туркӣ тили давлатлар
бошлиқларининг учрашувида
сўзланган нутқ*

"МАНАС" — ҚИРГИЗНИНГ АЗАЛИЙ ВА АБАДИЙ ҚОМУСИДИР

Мұхтарам Асқар Ақаевич!

**Хүрматлы меҳмонлар, азиз қирғиз оға-ини-
ларим!**

Аввало, барчангизни қардош қирғиз диёри-
даги улкан шодиёна — буюк "Манас" эпосининг
1000 йиллик түйи муносабати билан
Ўзбекистон халқи номидан қизғин табриклай-
ман!

Азиз дўстлар!

Дунёдаги жуда кўп халқлар ўзларининг
буюк-буюк ўғлонларини, мутафаккирларини
улуғлашлари одат бўлиб қолган. Буни
кўпчилик яхши билади.

Лекин бугунги 1000 йиллик тўйда қатна-
шишимиз, иштирок этишимиз қирғиз
халқининг қадим-қадимий илдизлари ниҳоятда
чуқурлигидан нишона, деб биламан. Шу билан
бирга, бугунги тантана бутун Туркистонда
шундай муқаддас заминда яшаётган халқлар-
нинг илдизлари, томирлари ҳам муштараклиги
ва улуғлигининг яна бир бор тасдиғидир.

Бундан ҳар қанча фахрлансак, ғурурлансак
арзийди. Бундай имкон ҳаммага ҳам насиб
қиласкермайди. Бу тўй нафақат қирғиз халқи
учун, балки қадимий ва муқаддас Туркистон

заминида асрлар бўйи оға-ини бўлиб яшаб келаётган барча халқлар учун катта тантана, зўр шоду хуррамлиқдир.

Биз, ўзбеклар, бугун "Манас" эпосининг тўйида қатнашар эканмиз, бир нарсадан чина-кам ифтихор қилишга ҳаққимиз бор.

Қани айтинглар! Қирғиз халқининг улуг ўғлони Манаснинг суюкли умр йўлдоши, елка-доши, тогу таянчи ким бўлган?

Унинг маслакдоши, достонда айтилганидек, энг қийин кунларида, умрининг охиригача са-доқатли сафдоши ким бўлган?

Биз, ўзбеклар, катта ғуур билан, фахр билан айтамизки, бу аёл Бухоро хонининг суюкли қизи Ҳоникей бўлган.

Шундан кейин, азизларим, ўзбек ва қирғизнинг қардошлигига яна қандай далил керак? Яна қандай исбот керак?

Азиз дўстлар!

Тўйнинг ажойиб хусусиятларидан бири шун-даки, у узоқларни яқин қиласди, яқинларни эса тагни ҳам жипслаштириб ҳадрдон қиласди.

Биз бугун жаҳон маданияти хазинасига "Манас"дек асар билан муносиб ҳисса қўшган қирғиз халқининг даҳоси ва бадиий тафаккури билан ҳақли равишда ифтихор қиласми. Чунки қирғиз халқининг тарихи ва тақдирни барча туркий халқларнинг жумладан, ўзбек халқининг ҳам тарихи ва тақдирни билан муш-тарак боғлиқдир.

Бизнинг ота-боболаримиз: "Бозоримиз ҳам, мозоримиз ҳам бир" деб ўтганлар. Яхши-ёмон кунларда қисмат синовларини биргаликда бош-дан кечирганлар, босқинчи ёвларга қарши бир-

га курашганлар, дўстлик бурчига ҳамиша содик қолганлар.

Туркистон халқларининг мумтоз миллий қаҳрамонлари — Гўрўғли, Алпомиш, Манас, Ойсулув, Авазхон сингари сиймоларга хос хусусиятлардан бири шуки, бу одамлар доим ўз атрофларига элу халқни йигадилар, юртни обод, ҳаётни фаровон этадилар.

Қирғиз халқининг миллий қаҳрамони, дошишманд Манас тарқоқ қирғиз қабилаларни, барча туркий элларни бирлаштиришга интилади, одамзодга доимо ватанпарварлик ва мардликдан сабоқ беради.

Қудратли ва салоҳиятли давлат барпо қилиш, уни тарақкий ётириш — Манас ботир ҳастининг бош мақсади ва мазмуни эди.

Бу олижаноб гоя — ҳар доим бирга бўлиш, дўст бўлиш, ҳамдард, ҳамнафас бўлиш — биз учун, яқинда мустақилликка эришган Марказий Осиё халқлари учун бугунги кунда энг муҳим ва долзарб вазифадир.

Азиз бовурлар!

"Манас" қирғизнинг азалий ва абадий қомусидир, деб зитсак асло муболага бўлмайди.

Юз йиллар оша ўз ота-боболарининг қутлув меросини кўз қорачигидай асрраб-авзйлаб келаётган, қардош-жондош қирғиз дўстларимизнинг бу борадаги ишлари ҳар қанча таҳсинга сазовор.

Шунинг учун ҳам бу достонни яратган ва унга асрлар давомида сайқал бериб келган қирғиз халқининг бадиий заковатига, ноёб истеъдолди манасчи оқинларга ўз эҳтиромимизни, ҳурматимизни изҳор этиш бизнинг бурчимиздир.

Яқинда Тошкентда бу салобатли достоннинг ўзбек тилидаги янги таржимаси босилиб чиқди. Биз бугун "Манас" гўзалликларидан халқимизни баҳраманд қилиш ишига катта ҳисса қўшган атоқли шоир — таржимонларимиз Миртемир, Султон Акбарий ва Турсунбой Адашбоевларнинг номларини ҳам ҳурмат билан эслашимиш жоиз.

"Манас"нинг 1000 йиллиги муносабати билан бугун Ўзбекистонда жуда кўп анжуманлар, тантаналар бўлиб ўтди.

Қадрли дўстлар!

Мен сўзимнинг бошида халқларимизнинг яқин қариндошлиги тўғрисида гапирдим.

Ўша гўзал аёл Хоникейнинг синглиси Арка Манаснинг тутинган иниси Алмамбетнинг хотини экан. Бухоро хонининг яна бир қизи эса Сари Аркадаги қозоқ хони Кўкча ботирнинг аёли бўлган.

Бундай қариндошлик ўша замонларда Бухоро, Талас ва Сари Арка хонликлари орасида тинчлик, осойишталикка хизмат қилган экан.

Мен нима демоқчиман?

Мен шуни айтмоқчиманки, Яратганинг ўзи Сиз билан бизга, юртимизга насл-насабимизни асрайдиган, давом эттирадиган гўзал аёлларни — ажойиб мўъжизани ҳам ато этган!

Шунинг учун, биродарлар, Оллоҳ таоло бизни, қирғизни, қозоқни, туркманни, тоҷикини, ўзбекни ва бошқа қардошларимизни ҳеч қачон қиз олиб, қиз беришдан, борди-келди қилишдан айирмасин.

Қадрдонларим!

Ўзбек билан қирғиз — бир туққан, бир туғишган. Бугунги кунда Ўзбекистон ҳам,

Қирғизистон ҳам қийинчиліккларни мардонашор сиғиб, ўз мустақиллігіні мустақамламоқда, жаҳон ичра ўзига муносиб мавқени әгалла-моқда.

Айниқса, Марказий Осиё давлатлари теса-сида қарақлаб турған қуёшдан баравар нур эмиб, күкка қараб бўй чўзаётган азим чинор-дек бўлиб, бир-бири билан кенгашиб, бир-би-рини қўллаб-қувватлаб иш тутаётганлари, "Туркистон — умумий уйимиз" ҳаракатининг кундан-кунга кенгайиб бораётгани айни муддао бўлмоқда.

Эзгу мақсадларимизнинг амалга ошиши йўлида Манас каби улуғ миллий қаҳра-монларимизнинг руҳи бязга беқиёс маънавий мадад бўлиши, шубҳасиздир!

Муҳтарам қирғиз бовурларим, азиэлар!

Манас ва Алпомиш — қиёматли дўст. Ўзбек ва қирғиз — қиёматли дўст. Шундай экан, ижозатларингиз билан мен ўзбек халқи номи-дан, Алпомиш номидан Сиз азизларнинг ҳаммангизни, қадрдан дўстим Асқар Акаевни чин дилдан қутламоқчиман!

Манаснинг тўйи — бутун Туркистоннинг тўйи. Манаснинг тўйида қадим дисримиззининг забардаст мутафаккирлари Рўдакий, Алишер Навоий, Мирзо Улугбек, Махтумқули, Абай, Тўхтагул, Бердақ ва бошқа улуғ зотларнинг руҳлари шод бўлаётгани рост бўлсин!

Манасдай суюнчи бўлган Қирғизистон гул-лаб-яшиасин, равнақ топсин!

1995 йил 28 августда Биш-кеқда "Манас" эпосининг 1000 йиллик тантаналарида сўзланган нутқ

ЎЗБЕКИСТОН — ТЕННИС МАМЛАКАТИ БЎЛАДИ

Тенис бўйича Иккинчи халқаро турнирнинг ҳурматли қатвашчилари, меҳмонлари ва ташкилотчилари!

Хонимлар ва жаноблар!

Сизларни Ўзбекистон пойтахти Тошкент шаҳрида қизғин қутлашга ижозат бергайсизлар!

Тенис бўйича Ўзбекистон Республикаси Президенти кубоги учун бу галги мусобақалар давлатимиз мустақиллигининг 4 йиллиги арафасида ўтмоқда.

Сизларга, халқаро турнир иштирокчилари ва меҳмонларига мамлакатимизда ҳаётнинг барча соҳаларида: сиёsatда, иқтисодиётда, илм-фандада, маданиятда, шу жумладан жисмоний тарбия ва спорт соҳасида ҳам туб ўзгарашлар содир бўлаётганини айтиб ўтиш менга катта мамнуният бағишлайди.

Жаҳон бизни кашф қиласди, биз ҳам ўз наъбатида жаҳонни англаб етамиз.

Бир неча кундан кейин Тошкентда Халқаро Олимпия қўмитаси раҳнамолигида биринчи Марказий Осиё ўйинлари бошланади, тенис бўйича Ўзбекистон терма командаси Девис кубоги Осиё зонаси финалида қатнашади, октябрь ойида бокс бўйича Осиё чемпионати

ўтказилади. Бундай йирик спорт тадбирларининг ўтказилиши бутун жаҳонга янги, мустақиллик йўлидан дадил бораётган Ўзбекистонни таништиради, миллат саломатлиги мустаҳкамланастганини, спортчиларимиз маҳорати ортиб бораётганини, жаҳон майдонида уларнинг нуфузи ошаётганини намойиш этади.

Бироқ, биз учун булардан ҳам муҳими янги-янги дўстлар, спорт мухлисларини ортиришдир. Киши ўзининг қандай эканини кўрсатишнинг спорт майдонида маҳоратини намойиш этишдан яхшироқ усули йўқ.

Бугунги кунда жаҳонга қуролланиш ва вайронагарчилик соҳасидаги беллашувлар керак эмас. Инсониятга барқарорлик ва тинчлик керак. Спорт эса, тинчликнинг элчиси ҳисобланади.

Энг истеъодли, энг қобилиятли, энг ёрқин иқтидор эгалари жаҳонни спортдаги ютуқлари билан забт этаверсин. Улар фақат спорт майдонларида — ақли, маҳорати, гайриоддий қобилиятлари, истеъоди ва жасорати, ғалабага бўлган интилиши билан беллашаверсинлар.

Улар инсон имкониятларининг чексизлигини, унинг жисман ва руҳан мукаммаллигини исбот қиласинлар, инсон заковатининг бутун гўзаллиги ва бетакрорлигини кўрсатсинлар.

Мұхтарам мусобақа иштирокчилари ва меҳмонлари!

Мен Ўзбекистон спорт жамоатчилиги ва бутун халқи номидан бугун Ўзбекистон Президенти кубоги учун Иккинчи тенис мусобақасига келган барча спортчилар ва уларнинг мураббийларига самимий миннатдорчилик туйғуларини изҳор этишни истар эдим.

Мен бу мусобақани ёритиш учун келган барча оммавий ахборот воситалари вакилларига миннадорлик билдиришни истар эдим.

Ишончим комилки, бу мусобақа унинг иштирокчилари учунгина эмас, кўп сонли мухлислари учун ҳам ҳақиқий байрамга айланади. Мен улкан теннис яқин орада Ўзбекистонда жадал равишида ривожланиб, спортнинг бошқа турлари қаторидан ўзининг муносабиб ўрнини эгаллашига аминман. Бунда мазкур мусобақа иштирокчиларининг хизмати катта эканига ҳеч шубҳа йўқ.

Дўстлар!

Бир неча дақиқадан сўнг мусобақамиз бошланади. Кучли ва бир-бирига муносабиб кишиларнинг қийин кураши бошланади.

Биз барчангизга муваффақиятлар тилаймиз. Биз мусобақаларимиз голибининг оғир курашини муносабиб баҳолаймиз.

Мен бу ажойиб спорт байрамининг барча иштирокчиларини муносабиб тарзда баҳолашимизни ҳам айтиб ўтишни истар эдим.

Мен Сиз, азиз меҳмонлар мусобақа ўтадиган кунларда ҳамроҳингиз бўладиган ҳақиқий ўзбек меҳмондўстлиги, халқимизнинг қалб ҳарорати, инсоний ғамхўрликни ҳис қилишингизни жуда-жуда истар эдим.

Мусобақанинг барча ташкилотчиларига, энг аввало, жаноб Сассон Какшурига, уларнинг меҳнати, ўйинларнинг муваффақиятли ўтиши йўлида қилган барча иши учун катта раҳмат.

Жаҳоннинг барча томонидан келиб, қуёшли Ўзбекистон пойтахтида тўпланган барча мусобақа иштирокчилари, катта ракетка усталала-

**рини яна бир бор табриклашга ижозат бергай-
сизлар.**

**Мусобақанинг барча иштирокчиларига
сиҳат-саломатлик, баҳт-саодат ва муваффақият-
лар ёр бўлсин!**

Яшасин спорт!

Яшасин тинчлик ва дўстлик!

**1995 йил 29 август куни
Тошкентда "Президенит кубоги"
укун II ҳалқаро турнир очилиши
маросимида сўзланган нутқ**

Ҳурматли ҳалқаро теннис мусобақаси иштирокчилари ва меҳмонлари!

Хонимлар ва жаноблар!

Ўзбекистон пойтахтида ўтказилган шавбатдаги теннис турнири ниҳоясига етди.

Тошкент кортларида жаҳоннинг теннис ривожланган кўплаб мамлакатларидан келган кучли теннисчилар бир неча кун давомида мусобақанинг бош соврини учун кураш олиб бордилар.

Мусобақанинг барча иштирокчилари спорт муҳлислари ва ҳаваскорларига, ўзларининг фидокорона, мардана ва ўзига хос маҳорат билан олиб борган ўйинларини кузатган барча томошабинларга унутилмас дақиқалар ҳадя этдилар.

Очиқ, ҳалол, марданавор курашда маҳорат, қатъият, инсоний хусусиятлар ва ўйин дараҷаси ғалаба қозонганига бизда ҳеч қандай шубҳа йўқ.

Азиз дўстлар! Мусобақа ғолибларини чин қалбимдан табриклашга ижозат бергайсизлар. Умид қиласманки, уларнинг маҳоратини тоқдирлаб берилган совринлар спорт оламида улар эгаллаб турган ўринга тўла мос келади. Бизнинг

спортчиларимиз Олег Огородов, Дима Томашевич, Темур Ҳонхўжасев, Темур Ғаниев ва бошқа тенинс ракеткаси бўйича усталаримиз бу галғолиблар сафидан жой ололмаганидан унчалик ўксимасин. Ишончим комилки, Сизларни олдинда катта ғалабалар кутади. Энг муҳими шундаки, Сизларнинг ўйинларингизни томоша қилган, Сизларга ғалаба тилаган ҳар бир киши Сизларнинг ўзингизга хос матонатингиз, мардлигингиш ва қатъиятингизни эътироф этмоқда.

Ҳурматли дўстлар!

Ўйлайманки, Сизлар бу турнирда ғолиблар бору мағлублар йўқ, деган фикрга қўшиласизлар.

Чунки нафақат мана шу минбарларда туриб, ҳатто телевизор экранлари орқали ҳар бир иштирокчи учун жон куйдирган биз, томошибинлар, мусобақа иштирокчиларининг барчаси бу срдан мағлубият аламини тотиб эмас, балки қониқиш ҳосил қилиб кетишини истаган эдик.

Биз барчамиз Сизлар — турнир иштирокчилари, мураббийлар ва ҳакамлар қалбимизнинг бир парчасини, ўзбек меҳмондўстлиги ҳароратини олиб кетишлини истаймиз.

Сизлар, Сизларнинг мураббийларингиз, оммавий ахборот воситалари, журналистлар амалта оширган энг муҳим иш шундан иборатки, Сизлар ниҳоятда қисқа вақт мобайнида ўзларингизнинг гўзал ўйинларингиз билан мамлакатимизнинг минглаб йигит-қизларини катта тенинста ошно қилдинглар. Назаримда, Сизлар бу ўйинга ёшларнигина эмас, ўрта ва кекса ёшдаги кишиларни ҳам ошно қилдинглар. Ишончим комилки, катта тенинс — спортнинг барча ёшдаги кишиларни жалб эта оловчи гўзал туридир.

Йиллар ўтиб, бўлажак мусобақалар иштирокчилари орасидан ҳозир шу кортларда эндигина қўлига ракетка олиб машқ қилаётган болалар ҳам муносиб ўрини олишига аминман.

Хонимлар ва жаноблар!

Мұхтарам дўстлар!

Бугун якунланаётган мусобақа Ўзбекистондаги барча спорт мухлислари учун ҳақиқий байрам бўлди.

Мана шу кортларда намойиш этилган гўзал ўйинларингиз, муросасиз курашларингиз учун Сизларга миннатдорлик билдиришга ижозат бергайсизлар.

Иккинчи Тошкент халқаро турнири ташкилотчиларига, айниқса, жаноб Сассон Какшуринга катта раҳмат айтишни истар эдим.

Турнирга ниҳоятда яхши ҳакамлик қилганликлари учун жаноб Дани Гали бошлиқ ҳакамлар ҳайъатига катта раҳмат.

Ўз ахборот ва репортажларида мусобақага, мусобақагағина эмас, бу срда — Ўзбекистонда, давлатимиз пойтахти Тошкентда кўрган барча нарсага катта зътибор берган оммавий ахборот воситалари вакилларига миннатдорлик билдираман.

Сизларга сиҳат-саломатлик, баҳт-саодат, жаҳон кортларида муваффақиятлар тилайман, азиҳ дўстлар!

Биз Сизларга: "Хайр" демаймиз.

Тинчлик, дўстлик ва биродарлик шаҳри сифатида шуҳрат қозонган Тошкентда яна тезда дийдор кўришайлик!

**1995 йил 2 сентябрь куни
Тошкентда "Президент кубоги"
учун II халқаро турнир ёпилишида сўзланган нутқ**

БИЗ ҚУРИШ, ЯРАТИШ ЙЎЛИДАН БОРАВЕРАМИЗ

Муҳтарам халқ ноиблари!

Энг аввало, сизлар билан омонликда юз кўришиб турганимдан бағоят мамнун эканимни айтмоқчиман.

Бугун қутлуғ кун — миллатимизнинг, халқимизнинг, гўзал дисримизнинг буюк байрами зрафаси.

Фурсатдан фойдаланиб Сизларни, Сизларнинг тимсолингизда барча Ватан аҳлини муқаддас Истиқололимизнинг тўрт йиллик тўйи билан чин қалбимдан муборакбод этишга ижозат бергайсиз.

Азиз дўстлар!

Ўтган тўрт йил биз учун асрга teng бўлди, деб айтсан, асло муболага бўлмайди. Шу тўрт йил мобайнида миллий давлатчилигимизни тикладик, дунёга озод ва эркин миллат сифатида танилдик.

Энг муҳими — келажак омонатдай бўлиб турган ғоят мураккаб, ғоят таҳликали дамларда ўзимизга хос ва ўзимизга мос йўлни танлай билдик.

Энг муҳими — танлаган йўлимиз ягона тўгри йўл эканини амалий ишимиз билан

исботладик. Бугунги кунда Ўзбекистон танлаган ислоҳотлар йўлини бутун дунё тан олди.

Эришган энг катта ютуғимиз — одил ва меҳнаткаш, мард ва танти халқимиз танлаган йўлимизни чуқур англади, унга қаттиқ ишонди ва қўллаб-қувватлади.

Дунёда халқ ишончидан улуғ нарсанинг ўзи йўқ. Бизлар ана шундай ишончга сазовор бўлган йўлимиздан ва бу йўлда эришган ютуқларимиздан ҳар қанча фахрлансанак арзийди.

Шунинг учун ҳам юртимизнинг энг оғир кунларида ҳам яқдиллик кўрсатиб, чексиз умид ва пок ниятлар билан яшаган миллатимизга, халқимизга, элимизга тиз чўкиб таъзим қилиш — биз учун ҳам қарз, ҳам фарзdir.

Фаргона ва Ўшдаги фожиалар, ундан кейинги фожиаларнинг аччиқ сабоги юрагимишни ўртаб турган пайтни яна бир карра эслаб кўрайлик. Унда биз ҳали истиқлолга эришмаган эдик. Худди ўша замонда илк бор бизнинг "Бугунги барқарорлик ва осойишталиқ — энг катта бойлигимиз", деган дастлабки муқаддас қоидамиз, муқаддас шиоримиз пайдо бўлди.

Бу сокин ва мазмунли шиор айрим қуруқ бақириқ-чақириқ билан юрганларга, субутсиз кимсаларга зарба бўлди, юртимизни аёвсиз кучлар таъсиридан сақлаб қолишга асос бўлди.

Енгилтак сиёсатдонлар тарих саҳнасидан тушиб кетди, аммо аччиқ тажриба самараси — муқаддас шиоримиз яшаб қолди, ўзининг ҳаётбахшлигини намойиш этди.

Азиз дўстлар!

Буюк истиқлолнинг тўрт йиллик тўйини нишонлар эканмиз, босиб ўтилган йўлга қисқа

бир назар ташлаб, олинган сабоқларни кўз олдимишга келтириб, муҳтасар баён этсак, фойдадан холи бўлмас.

Зеро, истиқлол учун жонини фидо этган улуғ адабимиз Абдулла Қодирий айтганидек, "мозийга қайтиб иш кўрмоқ хайрлидур".

Яқин мозий бизга берган энг катта сабоқ нималардан иборат?

Ўтган тўрт йил берган сабоқлардан бири шуки, халқимиз ўзининг буюк тарихини теран англади, аждодларимиз қолдирған буюк меросдан баҳраманд бўлди, ўз келажагини, ўз истиқболини буюк тарихимиз мезони билан ўлчашни, уни аниқ ва кенг кўламли тасаввур этишни ўрганди.

Бу ҳақиқат бир қарашда жуда оддий бўлиб туюлиши мумкин. Аммо биз учун муҳим жиҳати шундаки, бу ҳақиқатни ҳар бир авлод ўзича янгидан кашф этади ва амалда синааб кўради.

Истиқлолнинг тўрт йили берган яна бир сабоқ шундан иборатки, асрлар давомида зулм ва истибодд остида мўрт ва тарқоқ бўлиб яшаган ўзбек миллати ягона ва жипс миллат сифатида шаклланишни бошлади, эркин ва озод миллатга хос ғурур ва онг касб этди.

Бугун биз нимаики ютуқларга эришган бўлсак, уларнинг барчаси ана шу ғурур ва ана шу юксак онг меваларидир.

Муҳтарам халқ депутатлари!

Биласизларки, мен ютуқлар ҳақида гапиришни унчалик ёқтирмайман. Аммо бугун, буюк байрам арафасида, улардан айримларини ёдга олиш мақсадга мувофиқ бўлур эди.

Навоий вилоятида олтин ишлаб чиқарадиган янги комбинатни ишга туширилди. Яна шу Навоий вилоятида "Зарафшон — Ньюмонт" номли ўзбек-америка қўшма корхонаси руда қолдиқларидан тилла олишга киришди. Бу корхона ҳақида дунё матбуоти жуда кўп езди ва у Ўзбекистон ҳамда Америка Қўшма Штатлари ўртасида тобора ривожланиб бораётган савдо иқтисодий алоқаларнинг энг ёрқин мисоли тарзida баҳоланди.

Шу кунларда Буюк Британиянинг "Лонро" фирмаси билан олтин қазиб оловчи яна бир катта корхона дойиҳаси амалга оширилмоқда.

Асакадаги автомобил заводида монтаж ишлари жадал суръатлар билан давом этмоқда. Хоразмда юк автомобиллари ишлаб чиқарувчи завод иш бошлади.

Ўзбекистонни автомобилсозлик мамлакати бўлади, деб айтишга тўла асосимиз бор. Ҳозирги пайтда Туркиянинг "Кўч холдинг" компанияси билан Самарқандда автобус чиқарадиган завод қуриш устида жиддий муҳокаралар олиб бормоқдамиз.

Бухорода дунёдаги энг замонавий технология билан жиҳозланган нефть маҳсулотларини қайта ишлаш заводи жадал суръатлар билан қурилмоқда.

Ишлаб чиқариш салоҳиятимизни, иқтисодимизни кўтарадиган, бугунги кунда қурилиб бўлган ёки қурилаётган бундай салмоқли иншоотлар ҳақида кўп гапиришимиз мумкин.

Бундай иншоотларнинг хорижий сармоя иштирокида қурилаётгани барчамизни хурсанд қилиши табиийдир. Бугун юртимизда қўшма корхоналар сони 3600 дан ортиб кетди.

Лекин бир нарсани катта мамнуният билан таъкидламоқчиманки, кўплаб қурилаётган объектлар, авваламбор, ўзимизнинг кучимиз, имкониятларимиз ҳисобидан барпо бўляпти. Оғир кунларни бошимиздан кечираётганда ҳам, ўзимизнинг келажагимизни қураётганда ҳам биз қўлимиизни чўзиб юрганимиз йўқ. Аввало, ўз кучимизга, салоҳиятимизга ишондик, таяндик. Ўзбекистон иқтисодий салоҳиятли, ўз сармоялари ҳисобидан йирик ишлаб чиқариш иншоотларини қуришга қурби етадиган давлат сифатида узил-кесил тан олинди.

Бугунги Ўзбекистон харитасида ишга тушган ва туширилаётган яна кўплаб ана шундай корхоналарни мисол келтириш мумкин. Қўонда ва Андижонда ишга тушган йирик гидролиз заводларини тилга олиш жоиз. Бу иккى завод мамлакатнинг ичимлик спиртга бўлган эҳтиёжининг 50 фоизини қоплади.

Энергетика объектлари қурилиши ҳам жадал суръатлар билан давом эттирилмоқда. Таллимаржон ГРЭСида биринчи йирик турбина, Ангрен ГРЭСида саккизинчи турбина ишга тушиш арафасида турибди.

Яна уч йирик обьект — Қизилқум фосфорит комбинати, Қўнғирот сода заводи ҳамда Наравий — Учқудук — Нукус темир йўли қурилиши бошланди.

Фарғона водийси билан Тошкент воҳасини Қамчи довони орқали боғлайдиган йирик автомобил йўли қурилишини бошлаганимиз ҳам кўпчиликка маълум.

Режалаштирилган Ғузор — Бойсун — Қумқўрғон темир йўли қурилиши, ҳеч шубҳасиз, Қашқадарё ва айниқса, Сурхондарё вилоятлари ривожига янги куч, янги қувват баҳш этади.

Учқудуқ минтақасининг Ўзбекистон ҳаётида, келажагида тутган жойини — ўринини яхши биласизлар. Шуни инобатга олиб, минтақа ривожини кўзлаб, Учқудуқда жаҳондаги энг илғор андозаларга мос келадиган катта аэропорт қуришга тайёргарлик бошлианди.

Устувор йўналишларимизнинг муҳим соҳалари бўлмиш қишлоқ хўжалик тармоқларида ҳам анча ўзгаришлар кўзга ташланмоқда. Шу йилнинг биринчи ярмида 11 минг гектар янги ер ўзлаштирилди. Йишлоolloҳ, йил охиригача яна шунча ерни ўзлаштирамиз.

Учқўргон сув омборидан Наманган шаҳрига, Кампирравотдан Андижон шаҳрига ичимлик сув тармоқлари тортилмоқда. Бухоро ва Навоий шаҳарлари яқинда Дамхўжа сув тармоғидан, Гулистон ва Янгиер шаҳарлари Деҳқонобод сув тармоғидан баҳраманд бўлади.

Бу қурилишлар жуда катта маблаг талаб этади. Ва бу маблагларнинг барчаси ўз ички резервларимиздан ажратилмоқда.

Ҳурматли дўстлар!

Сизларга яна бир нарсани айтишдан мамнуманки, мэмлакат ичкарисидаги инвестицияларнинг шакли ҳам ўзгармоқда. Умумий инвестиция миқдорида хусусий инвестицияларнинг салмоғи ўсиб бормоқда.

Тошкентда ва Самарқандда, Ургутда ва Хивада, Андижонда ва Қўқонда, Наманганда ва Марғилонда, хуллас, юртимизнинг барча шаҳарларида хусусий корхоналар ва тижорат марказлари сони кундан-кунга кўпайиб бормоқда.

Қишлоқларда ҳам хусусий корхоналар ва хусусий фермер хўжаликлари яхши самара бериб ишламоқда.

Мамлакатимизда ишбизлармонлар учун яхши шароит яратилди, деб бугун бемалол айта оламиз.

Ҳурматли дўстлар!

Ниятимиз эзгу ва пок эканки, Яратганинг ўзи тўрт-беш йилдан бери бизга ўз қарамини кенг тутиб келяпти.

Халқимиз аҳиллик билан, кўнгилни кенг қилиб, ютуқдан қувониб, қийинчиликка чидаб, ёрқин келажакни тезроқ қуриш, инсонларимизга муносиб ҳаст яратиб бериш саъй истагида сидқидилдан месҳнат қиляпти.

Иншоolloҳ, энг оғир даврдан тус-тугал ўтиб олдик. Халқимизнинг кайфияти, шижоати ва пухта ҳисоб-китоблар шундан дарак берадики, 1996 йилдан бошлаб халқимиз учун, юртимиз учун муттасил юксалиш даври бошланади.

Бундай дейиншга биэда барча асослар бор.

Аввало, бунга асос барча шаҳар ва қишлоқларда ишга тушаётган ва маҳсулот беришни бошлаган кичик ва катта корхоналаримиздир. Юртимиз мураккаб вазиятдан чиқиб, ободлик ва тўкинлик сари йўл олгани яққол кўриняпти.

Мақтаниш деб ўйламанглар, азиз биродарлар, қэни, айтинг-чи, бугунги Тошкент бундан беш йил олдинги Тошкентга ўхшайдими?

Пойтахтимиз йил сайин обод бўлиб, чирой очиб бораётганини ким инкор эта олади?

Бошқа шаҳар ва қишлоқларимиз, маҳалла ва гузарларимиз манзараси ҳам кескин ўзгарди. Буни юртимизга келаётган барча нуфузли сиёсатчилар ва қадрли меҳмонларимиз очиқ-ойдин эътироф этяпти.

Бугун гўзал диноримизда кўтаринкилик руҳи, бунёдкорлик руҳи устувор бўлиб турибди, деб айтсан, асло муболага бўлманди. Биз жуда кўп тилга оладиган моданий ва маънавий янгиланиш дегани ҳам аслида шу эмасми?

Бизнинг шиоримиз — яратиш. Тўрт йиллик Истиқлол даврида Ўзбекистон фалон ақидасини бузди ёки ундан қайтди ёки фалон ваъдасининг устидан чиқмади, деган гапни ҳеч ким бизга айтолмайди.

Яна такрор айтаман: бизлар бузиш йўлидан змас, тузиш, барпо этиш йўлидан борлик. Биз борини асраб-авайлаш, йўгини яратиш йўлидан борлик.

Ҳурматли халқ ноиблари!

Қилган ишларимиз ҳақида гапирар эканмиз, бир муҳим масалани эслатиш ўринли деб ўйлайман. Биз ҳар доим мақтамасдан, ютуқларимизни дўмбира қилмасдан, "оламшумул" баландпарвоз гаплардан, шиорлардан ўзимизни тийиб, амалий ишлар билан шуғулландик, шу билан яшадик.

Жондан азиз Ўзбекистонимизда ўзимизга хос, ўзимизга мос миллӣ давлат қуришга бел боғладик. Қисқа даврда кўзга кўринган ютуқларга эришдик. Узоққа бормасдан, 1995 йилнинг биринчи ярми натижаларига назар ташлайлик. Йил бошида ҳар ойлик инфляция даражаси 16—17 фоизни ташкил этар эди. Ҳозир бу миқдор роппа-роса 8 марта камайиб, июль ва август ойларида 2 фоиздан ҳам пастга тушди.

Бизлар Халқаро валюта фонди билан давлат бюджети камомадини 3,5—5 фоиз миқдорида

бўлишини келишиб олган эдик. Аслида эса, бу миқдор З фоиздан ҳам камроқ бўлди.

Пул эмиссияси ҳам камайди.

Энергетика масаласида тўла мустақилликка эришиш арафасида турибмиз.

Бу йил ғалла ҳосили мўл бўлди. Худо хоҳласа, янаги йилда четдэн бир килограмм ҳам ғалла сотиб олмаймиз.

Бу йил пахта ҳосилининг чўги ҳам ёмон эмас. Иншооллоҳ, пахтадан мўл хирмон кўтариб, дунё олдида юзимиз ёруғ бўлгуси.

Хусусийлаштириш жараёни жадал суръатлар билан амалга ошмоқда. Қишлоқ жойларда бу жараённинг тезлашганини алоҳида эътироф этиш жоиз.

Яна бир қувончили натижа шуки, ўзбек сўмининг тўлиқ ички конвертациясини таъминлаш арафасида турибмиз.

Айни замонда, қимматбаҳо қоғозлар бозори жиддий равишда жонланғанини ҳам айтишимиз зарур.

Буларнинг барчаси, муҳтарам дўстлар, келажакка умид ва ишонч билан қарашга ҳуқуқ беради.

Қадрли ҳалқ ноиблари!

Ташки сиёсат борасида қисқача гапирадиган бўлсак, даҳил эйтиши мумкинки, Ўзбекистонимиз жаҳон имжамиятида ўзига муносиб ўринни згаллашгич мувваффақ бўлди.

Бугун дунё сиёсати минбарида Ўзбекистоннинг ўз овози ва ўз обуруси бор.

Ўзбекистон ташки сиёсати ўз йўлига ва залворли сўзига эга. Ташки сиёсатдаги энг асосий мезонимиз, энг аввало, миллий давлатимиз манфаатларини кўзлаб, уларни барча

имкониятлар билан ҳимоя этган ҳолда иш юритишдан иборат.

Фаҳр билан айтишим мумкинки, биз ҳеч қачон бошқаларнинг кўргазмаси билан иш тутганимиз йўқ. Биринчи қунлардан бошлаб барча давлатлар ва ҳалқлар билан дўстона сиёсий ва маданий муносабатлар, тенг ҳуқуқли иқтисадий алоқалар ўрнатиш йўлидан бордик.

Ва бу йўл ҳам ўзини оқлади. Ўзбекистон жаҳон ҳамжамиятининг тўлақонли аъзоси, ҳалқаро ҳуқуқнинг мустақил иштирокчиси — субъекти сифатида башарият аҳлига танилди.

Яна бир фикрни таъкидлаш жоизки, Ўзбекистон сиёсати ва иқтисадидаги ижобий ўзгаришлар ҳамда мамлакатда ҳукм суроётган ижтимоий барқарорлик ва миллатлараро тотувлик вазияти жаҳон ҳамжамияти, обрўли ҳалқаро ташкилотлар, хориждаги етук сиёсатчилар ва раҳбарлар тарафидан юксак баҳоланмоқда.

Бу ташқи алоқаларимизнинг жадал ривожида ҳам яққол кўринади.

Кейинги ойлар давомида Украина Президенти Леонид Кучма, Индонезия Президенти жаноб Сухарто, Германия Федерал Президенти жаноб Герцог, Покистон Бош вазири Бхутто хоним, Туркия Бош вазири Чиллер хоним, Россия Федерацияси ҳукумати раиси жаноб Черномирдин, Словакия Бош вазири ўринbosари жаноб Козлик расмий зиёрат билан ташриф буюрдилар.

Шу давр мобайнида АҚШ мудофаа вазири жаноб Перри, Германия давлат вазири жаноб Шэфер, Швейцария Конфедерацияси ташқи ишлар вазири жаноб Котти билан ғоят самарали расмий учрашувлар бўлиб ўтди. •

Ўзбекистон раҳбарияти ўз навбатида Молдова, Латвия, Литва мамлакатлариға расмий сафар қилди.

Сафарлар давомида жуда кўп ўзаро фойдали ҳужжатларга имзо чекилди ва бу ҳужжатлар ўзининг амалий истиражасини бера бошлади.

Ўзбекистон давлатининг сиёсий ва иқтисодий қурбидан дарак бсрувчи биргина мисолни келтирмоқчиман. 1991 йилдан бери Ўзбекистон ва Россия ўртасида икки тарафлама иқтисодий, маданий ва илмий алоқалар бўйича 50 дан ортиқ турли ҳужжатлар имзоланган эди. Жаноб Черномирдин ўз сафари чогида бу ҳужжатларнинг барчаси амалга ошаётганини, Ўзбекистон тарафи барча шартномаларни ҳалол ва ўз вақтида бажараётганини эътироф қилди.

Мұхтарам депутатлар!

Бугунги кунда Ўзбекистоннинг регионал интеграция, хавфсиазлик ва барқарорлик масаласида Марказий Осиёда тутган ўрнини ҳамма яхши тушунади.

Бундан икки йил олдин Ўзбекистон раҳбари Бирлашган Миллатлар Ташкилоти Бош Ассамблеясининг юксак минбаридан туриб, илк марта Тошкентда Марказий Осиё минтақаси хавфсизлиги ва барқарорлигини таъминлаш мавзуига бағишлиланган доимий кенгаш-семинар ташкил этишни таклиф қилган эди.

Ниҳоят, бизнинг таклифимиз амалга ошди. Яқин кунларда БМТнинг доимий кенгаш-семинари Тошкентда иш бошлайди.

Бирлашган Миллатлар Ташкилотининг Бош котиби Бутрос Бутрос Голий жаноблари ·бизга йўллаган маҳсус мактубида Ўзбекистоннинг регионда тинчлик ва барқарорлик ўрнатиш бора-

сидаги саъй-ҳаракатларини зътироф этди. Унинг халқаро семинар ишига муваффақият тилагани сизларга матбуот хабарларидан яхши маълум.

Бўлажак халқаро кенгаш-семинар Ўзбекистоннинг нафақат ўз минтақамизда, балки дунёда ҳам нуфузини мустаҳкамлаш учун хизмат қилиши шубҳасиз.

Биз тинчлик ўрнатиш ва ҳамкорлик қилиш бўйича Бирлашган Миллатлар Ташкилоти, Европада хавфсизлик ва ҳамкорлик ташкилоти, шунингдек, бошқа обрўли халқаро форумлар доирасидаги саъй-ҳаракатларимизни янада фаол давом эттирамиз.

Мұхтарам халқ депутатлари!

Энди мен учун энг нозик, энг мураккаб бир масала хусусидаги фикр-мулоҳазаларимни билдиримоқчиман.

Ҳурматли парламентимиз — Олий Мажлис ташаббуси билан Президент ваколатларини 1997 йилдан 2000 йилга қадар узайтириш масаласига бағишлилангак умумхалқ референдуми бўлиб ўтди.

Референдум пайтида халқимиз менга жуда юксак ишонч билдириди. Бу ишончдан менинг, шу ҳатқ фарзандининг, бошим осмонга етди.

Бу юксак ишончни оқлаш учун инсон умри камлик қиласди. Шунинг баробарида халқимиз менинг зиммамга шундай улкан, буюк масъулитни ҳам юкладики, мен бу масъулият залворини жуда яхши англайман ва ҳис қиласман.

Мұхтарам биродарлар!

Мен ўтиш даврида ҳокимият тармоқларининг фаолиятини даврий жиҳатдан ўзаро мослаштирув объектия зарурат эканини тушунга-

��им учун ҳам, президентлик ваколатларини яна уч йилга чўзишга розилик бердим.

Айни замонда, муҳтарам депутатлардан ва халқимиздан ваколатим чўзилган уч йиллик муддатни президентлик ваколатларининг иккинчи муддати деб ҳисоблашни илтимос қилған эдим.

Нима учун шу масала кун тартибига қўйилди? Нима мақсадда шу масала Сиз муҳтарам депутатларнинг. Сиз орқали сайловчиларнинг қарорига қўйилди?

Биринчидан, халқимиз олдида, бизга ишонч билдирган, ўз тақдирини ишониб топширган инсонлар олдида мансабга интилиш, мансабга ёпишиб олиб, лавозимда туриш муддатини атай узайтириш ҳеч қачон асл мақсадимга кирмаганини кўрсатиш, исботлаш керак эди.

Иккинчидан, биз бугунги вазиятни, мавжуд бўлган муҳитни, албатта, инобатга олишимиз шарт эди. Модомики, биз янгича ҳаёт, янгича демократик жамият қурмоқчи эканмиз, модомики, жаҳон тажрибасига таянган ҳолда очиқ-эркин, демократик, халқ иродасига асосланган ва халқ манфаатларига хизмат қиладиган давлат қурмоқчи эканмиз. нафақат яқин-йироқ қўшни мамлакатлар олдида, балки бутун дунё жамоатчилиги олдида ҳам ўзимизнинг шу холисона ниятимизни, демократик тамойилларга содиқ эканимизни нафойиш қилиш ҳамда Ўзбекистонда қурилаётган янги давлат ва жамият обрўсини кўтаришимиз лозим.

Учинчидан, четда туриб, жамиятимизда устувор бўлган соғлом муҳитни булғатиш, орамизга адоват, низо, норозилик, ҳар хил фитна

уруғини сочиб, шундан шахсий манфаат топиш ҳаракатида бўлган ғанимларимизнинг ҳар хил сафсата, ғаразли, бўғтон, туҳмат гапларни тўқиб чиқаришига имкон бермаслик нияти зоҳир эди.

Тўртингидан, мен Ўзбекистон давлати раҳбари сифатида, ўз шахсий мисолимда мамлакат тарихида, жамиятимиз ҳаётида, энг аввало, ўсиб-униб, кучга кириб келаётган ёш авлодларга ўрнак бўлишни, уларга ибрат беришни хоҳлардим. Мамлакат, вилоят, туман ва умуман ҳар қандай жамоа миқёсида ўз амалига ишониб юрган одамларга, энг аввало, раҳбарларимизга шу ниятни етказишни хоҳлардим.

Бешинчидан, мана шундай ҳаракат, услуг билан баҳту саодат лавозимда, мансабда эмас. балки жамиятга, ҳалққа колисона хизмат қилишда, деган ақида биз учун оддий бир одатга айланишини хоҳлардим.

Мана шундай мақсадлар Олий Мажлиснинг II сессиясида мен баён қилган фикр замирида мужассамлашган эди. Лекин мен ҳар доим — нафақат Президент сифатида, балки шахс ва фуқаро сифатида ҳам— омманинг, жамоанинг, ҳалқимизнинг иродаси-қарори, унинг билдиригани ишончи — бутун ҳаётида, фаолиятимда ҳал қилувчи, тўғри йўл кўрсатувчи раҳнамо, деб қабул қилганман ва бундан кейин ҳам шундай бўлиб қолади, иншооллоҳ.

Шундай экан, Сиз, муҳтарам ҳалқ ноиблиари, ҳалқимиз иродасига асосланиб, қабул қилган қарор мен учун ҳам қонундир.

Бугунги фурсатдан фойдаланиб, бир нарсани айтмоқчиман: ҳалқимизнинг ваколатли вакил-

лари — Сиз, муҳтарам халқ ноиблари билан сафдош, слқадош, ҳамнафас бўлиб, ҳар доим одамлар қалбидан хабардор бўлиш, уларга ҳар доим садоқат, иймон ва ихлос билан хизмат қилиш мен учун юксак шарафдир.

Азиз дўстлар! Юртдошлар!

Ўтган давр ва бугунги ҳастимиэ муаммолари бизнинг дунёқарашимиизни бемисл равишда кенгайтирди, кўзимиизни очди.

Янги ҳаёт, янги жамият қуриш, бошлаган ислоҳотларимизни пировардига етказиш, биз кўзлаган, биз интилаётган манзилларга стиши, қисқа қилиб айтганда, халқимиизга муносиб ҳаёт барпо этиш ҳақида гапирап эканмиз, Энг муҳим муаммолар орасидан асосий тўрт тамойилни, асосий тўрт шартни алоҳида таъкидлаган бўлур эдим.

Биринчиси. Биз бундан буён ҳам юртимиздаги тинчлик-тотувлик, барқарорликни кўз қорачигидай сақлаш, ёвуз, гаразли ёмон кўзлардан — ҳаракатлардан асрраб-авайлашимиз керак.

Иккинчи шарт. Мулкчилик масаласида кескин ва қатъий ўзгаришлар ясаш зарур. Мулк ўз эгасига тегиши лозим. Ундан кейин шу мулкни асраш учун, ҳимоя қилиш учун, уни кўпайтириш учун, унинг шахсга, оиласга, жамоага хизмат қилиши учун курашиш мумкин. Чунки, ҳақиқий мулк эгалари, янги пайдо бўлган мулкдорлар синфи шу давлатни, шу ижтимоий тузумни тиклаш учун, равнақ топтириш ва қўриқлаш учун ўзини аямайди.

Яна бир бор бугунги кунда муҳим бир масалага, олдимиизда тўсиқ бўлиб турган масалага тўхталиб ўтмоқчиман. Ўзининг ҳалол

меҳнати билан ўзига бойлик топаётган одамларни қувиш эмас, қўллаб-қувватлаш керак. Бу масала, аввало, маъмурий идоралар, ҳокимларга боғлиқ.

Учинчи муҳим масала — одамларимизнинг аввало, фаолларимизнинг, жамоатчилигимизнинг тафаккурини ўзгартириш даркор. Жамиятга янгича фикрловчи одамлар керак. Боқимандалик кайфиятидан халос бўлиб, ўзининг кучига, ақлу заковатига, қурбига, ўзининг мулкига ишониб, ёруғ келажак, муносиб, Эркин ҳаёт учун тинимсиз курашиш лозим.

Тўртинчи шарт. Одамларимиз, жамиятимиз мафкурасида Ватан, юрт гояси устувор бўлмоғи керак. Миллий ғурур, миллий ифтихор ҳар қандай ишимизнинг пайдевори бўлмоғи керак.

Бу муқаддас гоялар, миллати ва эътиқодидан қатъи назар, шу юртда, шу заминда яшаётган ҳар бир инсон, ҳар бир фуқаронинг ҳаётига, онгига сингмоғи, ҳар биримиз учун энг катта таянчга, энг катта ишончга, борингки, ҳақиқий иймонга айланиши керак.

Истиқолни ҳимоялаш, уни қадрлаш, улуғлаш ва унга хизмат қилиш миллий онгимизга, ақидамизга айлансангина, бизни танлаган йўлимиздан ҳеч қандай куч қайтаролмайди, қаддимизни буқолмайди.

Бу буюк гоялар ҳар биримизнинг қонимизга, қалбимизга сингиб, келажак авлоидларга муқаддас бойлик — муқаддас мерос бўлиб ўтиши керак.

Мұҳтарам халқ ноиблари!

Сизларни, Сиз орқали бутун Ўзбекистон аҳлини яқинлашиб келаётган буюк айём билан

яна бир бор самимий табриклашга ижозат бергайсизлар.

Адолат ва бунёдкорлик йўлида Яратганинг ўзи доим бизга мададкор бўлсин!

*1995 йил 30 август қуни
Ўзбекистон Республикаси Олий
Мажлиси III сессиясида
сўзланган нутқ*

ВАТАН МАНГУ ҚОЛАДИ

Азиз ватандошлар!

Ардоқли меҳмонлар!

Бугун — Ўзбекистон давлати, Ўзбекистон халқи учун энг буюк байрам.

Истиқолимизнинг тўрт йиллик муқаддас тўйини нишонлар эканмиз, шу мўътабар ва гўзал заминда яшаётган ҳар бир инсоннинг юраги ғурур ва ифтихорга тўлиши табиийдир.

Бизнинг қадимий ва бой тарихимизни, улуғ аждодларимиз ва улар қолдирган бсқиёс маданий мерос башарият маданияти ва ривожига улкан ҳисса бўлиб қўшилганини бутун жаҳон тан олади.

Она юртимиз Ўзбекистон тупроғида, бетакор ва гўзал диёрда не-не улуғ аждодлар ва буюк зотлар яшаб ўтдилар. Улар биз ворис бўлиб турган бугунги тарих ва маданиятни бизга мерос қилиб қолдирилар.

Ҳар бир авлод эл-юртининг тарихини ва обрўйини ўзининг фарзандлик муҳаббати ва зътиқоди, садоқати ва бунёдкорлиги, матонати ва мардлиги билан барпо этади.

Бизнинг бугунги энг буюк вазифамиз ва муқаддас бурчимиз — Ўзбекистон тарихидан

ўзимизга муносиб саҳифа очиш ва уни авлодларимиз учун ибрат бўладиган олижаноб ва савобли ишлар билан тўлдиришдир.

Биздан мангу қоладиган нарса — Ватан шону шуҳрати, қудрати ва салоҳиятининг юксалиши учун ўзимизнинг фидойи меҳнатимиз билан муносиб ҳисса қўшишдир.

Муҳтарам дўстлар!

Ўтган тўрт йил мобайнида оламшумул воқеалар, ҳам сиёсий, ҳам маънавий, ҳам иқтисодий ҳаётимиздаги бошқалар ҳавас қиласа арзийдиган катта ўзгаришлар меҳнаткаш халқимиз меҳнати туфайли амалга ошиди.

Тўрт йил ичida Ўзбекистон салоҳияти, унинг улуғвор истиқболи бутун дунё томонидан тўлиқ эътироф этилди.

Тўрт йил ичida биз буюк келажагимизнинг маънавий асосларини белгилаб олдик.

Миллий қадриятларимизни тикладик.

Буюк аждодларимизнинг муборак номларини миллат боши узра баланд кўтариб, уларнинг руҳларини шод этдик.

Юртимизда тинчлик, осойишталик ва барқарорликни сақладик. Барқарорлик шароитида миллий давлатчилигимизнинг мустаҳкам пойdevорини қуриб олдик.

Халқимизга эркин ва муносиб ҳаёт яратиш йўлида улкан ислоҳотларни бошладик ва уларни изчил давом эттирмоқдамиз.

Энг асосийси — юртимизда инсоний меҳру оқибат устувор бўлиб турибди. Ёшу қари барабар келажакка катта умид ва комил ишонч билан қарамоқда.

"Ватан мен учун нима берди?" деб эмас, балки "Мен Ватанга нима бердим? деган эзгу

фикр билан яшаётганлар, элим деб, юртим деб ёниб яшаётган инсонлар тобора кўпайиб бормоқда.

Бу — бугунги замонамизнинг, бугунги ҳаётимизнинг энг муҳим белгиси — нишонидир!

Қадрли биродарлар!

Шу байрам кунларида юртимизда бунёдкорлик руҳи устун эканини, халқимизнинг яратувчилик салоҳияти тобора кучайиб бораётганини ҳаммамиз ҳам теран ҳис этамиз ва бундан фахрланамиз

Дарҳақиқат, бу ҳол, бу ютуқ бугунги нотинч ва таҳликали замонда биз эришган буюк қудрат ва ифтихор туйғусидан ёрқин далолатдир.

Албатта, биз интилаётган мақсадга етиш учун, таъланган йўлимида собит қадамлар билан бориб, пировардида авлод-аждодларимиз орзу қилган адолатли демократик давлат ва жамият қуриш, эркин ва фаровон ҳаёт яратиш учун ҳали кўпдан-кўп меҳнат қилишимиз, кўп-кўп синовлардан ўтишимиз кераклигини биз жуда яхши англаймиз.

Биз яхши биламизки, ҳаёт — тинимсиз изланиш, тинимсиз курашдир. Халқимизнинг бошидан кечирган не-не қийинчилклари, мардана меҳнатининг самарасини кўриш, ундан баҳраманд бўлиш замони — вақти етиб келмоқда.

Мен катта ишонч ва умид билан мана шу юксак минбардан туриб айтмоқчиман: энг оғир кунларимиз ортда қолди.

Насиб этса, 1996 йил — Мустақиллигимизнинг бешинчи йили — Ўзбекистонимиз учун, халқимиз учун, юртимиз учун юксалиш йили бўлгай, иншооллоҳ.

Аэзиз дўстлар!

Аэзиз ватандошлар!

Бугун буюк байрам арафасида:

— бепоён далаларда, завод ва фабрикаларда буюк келажак орзусида пок ниятлар билан мардона меҳнат қилаётган дехқонларимизни ва ишчиларимизни,

— халқимиз маънавияти хазинасига муносиб ҳисса қўшаётган олимларимизни, ижодкорларимизни, барча зиёлиларимизни,

— донишманд отахонларимизни, дуогўй онахонларимизни, мунис ва гўзал аёлларимизни,

— истиқлол юкини скага олишга шай бўлиб турган мард йигитларимизни,

— гўзал ва иффатли қизларимизни,

— беғубор болаларимизни,

— хуллас, бутун Ўзбекистон элини буюк сана — Истиқлолнинг муборак тўрт йиллик байрами билан чин қалбимдан муборакбод эта-ман!

Қадрдон юртдошларим!

Президент сифатида шу муқаддас заминда яшаётган ҳар бир одамни алоҳида бағримга босиб, ҳар бирингизга равнақ ва омад тилай-ман!

Эзгу ва пок ниятларимизни амалга оширишда Оллоҳнинг ўзи бизга мададкор бўлсин!

Халқимизнинг насибасини зиёда этсин!

Юртимиз омон бўлсия!

Шу муқаддас заминимизда яшаётган ҳар бир инсон ўз муродига етсин!

1995 йил 31 август куни
Ўзбекистон Мустоқилигининг 4
йиллиги муносабати билан
ўтказилган тантаналарда
сўзлансан мутқ

ҲАРБИЙ ТАЪЛИМ ЗАМОН ТАЛАБЛАРИГА МОС КЕЛСИН

**Ассалому алайкум, азиэ дўстлар!
Муҳтарам ватандошлар, қадрли меҳмонлар!**

Бугун биз Ўзбекистон давлати ҳаётида,
халқимиз ҳаётида ғоят муҳим аҳамиятга эга
бўлган воқеа муносабати билан бу срга
йиғилдик.

Бугун Сиз билан катта тарихий воқеанинг
гувоҳи ва иштирокчилари бўлиб турнибиз.
Ўзбекистон ўз истиқлонининг тўрт йиллигини
зўр шодиёна билан нишонлаётган ушбу қутлуғ
кунларда навқирон давлатимизнинг мустақил-
лигидан яна бир нишона бўлиб юртимиизда
Ўзбекистон Республикаси Қуролли Кучлари
академияси барпо этилди.

Аввало, барчангизни ана шу шонли воқеа
муносабати билан чин дилдан табрикламоқчи-
ман!

Сизларни — Қуролли Кучлар академияси-
нинг очилишига багишлиланган ушбу тантанали
йиғилиш иштирокчиларини табриклар эканман,
бу ерда хорижий мамлакатларнинг муҳтарам
элчилари ва вакиллари ҳозир бўлганини
алоҳида таъкидламоқчиман. Бу — Ўзбекистон
халқига, Ўзбекистон давлатига ҳурмат-



эҳтиромнинг яна бир белгисидир. Бу — Ўзбекистон минтақада тинчлик ва барқарорлик ўрнатиш юзасидан ўтказаётган изчил сиёсатга яна бир бор эътибордир.

Тарихнинг ўзи бизга мустақил Ўзбекистон Армиясини оёққа турғизиш, унинг муҳим қисми бўлган малакали ҳарбий мутахассисларни тайёрлайдиган академияга асос солиш имкониятини берди.

Ишончим комилки, йиллар ўтиб, авлодларимиз халқимизнинг мустақиллиги йўлида, унинг тинч бунёдкорлик меҳнатини ҳимоя килиш йўлида қилган ишларимизга муносиб баҳо беради.

Сизнинг ўқув юрtingиз Ватанимиз мустақил деб эълон қилинганининг тўрт йиллиги нишонланадиган пайтда очилмоқда.

Ўзбекистоннинг сўнгги йиллардаги тараққиёти якунлари биз танлаб олган йўлнинг тўғрилигини ишонарли тарзда кўрсатиб турибди. Бу йўл ўтказилаётган ислоҳотларниң изчиллигига, сиёсий барқарорликни сақлашга, миллатлараро тотувликни мустаҳкамлашга асосланган.

Миллий мустақиллик мафкураси, маънавий ва маданий қадриятлар, маърифат ва адолатга интилиш, Ўзбекистон истиқололининг келажаги тўғрисида ғамхўрлик қилиш жамиятимиз ва ҳар бир фуқаро ҳаётида жуда муҳим ўрин тутади.

Бундай ёндашувни бутун жаҳон тушуниб, қўллаб-қувватламоқда. Ҳозирги пайтда жаҳондаги 150 дан ортиқ давлат Ўзбекистон мустақиллигини тан олди, улардан 74 таси билан дипломатия муносабатлари ўрнатилди.

Йигилишимизнинг муҳтарам иштирокчилари!

Ёшлик йилларимизда машҳур бўлган бир қўшиқнинг сўзларини Сизларга эслатмоқчиман: "Бизга бирорларнинг бир қарич ҳам ери керак эмас, аммо бир қарич еримизни ҳам ҳеч кимга бермаймиз". Шу муносабат билан миллий хавфсизликнинг кенг қамровли концепциясини ишлаб чиқиш, унинг асосларини қонун билан мустаҳкамлаб қўйиш жуда долзарб масалага айланмоқда.

Бунга ягона давлат сиёсатини ўтказиш, иқтисодий, сиёсий, ташкилий, ҳарбий, ҳуқуқий тусдаги чора-тадбирлар тизими билан эришилади.

Шу йил 16 август куни Миллий Хавфсизлик Кенгашининг биринчи мажлисида бу ҳақда гапирилди, Ўзбекистон Республикаси парламенти — Олий Мажлиснинг учинчи сессияси эса мустақил давлатимизнинг ҳарбий доктринасини тасдиқлади.

Сизлар ҳарбий кишиисизлар, шунинг учун ҳам Марказий Осиё минтақасидаги вазиятнинг ўзига хос жиҳатларини ва мураккаблигини аниқ тасаввур қилишларингиз лозим. Бу вазият кескинликнинг сақланиб қолаётгани, ҳарбий хавф ва қуролли можароларнинг доимий ўчоқлари мавжудлиги билан белгиланади.

Тожикистондаги сиёсий бекарорлик, Афғонистонда давом этаётган уруш Марказий Осиё минтақасидаги вазиятни чигаллаштирувчи омил бўлиб қолмоқда. Биз бир-бирига қарши турган томонлар ўртасидаги низоли масалаларни тинч, сиёсий йўл билан ҳал этиш тарафдоримиз.

Бундай шароитда яқин даврда ҳарбий куч давлатимизнинг истиқоли ва ҳудудий яхлитлигини, миллӣ ҳавфсизлигини таъминлашнинг асосий жиҳатларидан бири бўлиб қолаверади.

Шу сабабли биз чинакам ватанпарварлар. ўз ишининг юқори малакали мутахассисларидан иборат профессионал армия барпо этиш йўлидан дадил бормоқдамиз.

Мақсадимизни яна бир бор тақоррламоқчиман: бу мақсад таркиби, аввало, Ўзбекистонимизнинг, ҳаммамиз учун қадрдан бўлган Ўзбекистоннинг ватанпарварларидан ташкил топган профессионал армиядир. Энг муҳими, бу армия таркибida ўз ишининг юқори малакали мутахассислари бўлиши керак.

Мустақил Давлатлар Ҳамдўстлиги ҳомийлигига тинчлик ўрнатиш бўйича операцияларни ўтказиш ҳарбий доктринада ўртага қўйилган гояларнинг амалда рӯёбга чиқаётганидир. Шунингдек, биз Ўзбекистон фаол иштирок этаётган "Тинчлик йўлидаги ҳамкорлик" дастури доирасидаги биргаликдаги ҳамкорлигимизни қўллаб-қувватламоқдамиз ва унга катта аҳамият бермоқдамиз.

Қуролли Кучлар — давлатимиз ҳавфсизлиги ва халқимиз тинч ҳаётининг муҳим гарови эканлиги, шубҳасиз. •

Таркиби жиҳатидан кам сонли, лескин тез ҳаракат қиласидиган, замонавий қурол-яроғлар ва жанговар техника билан жиҳозланган, ҳам мустақил равишда, ҳам МДҲ аъзолари бўлган давлатларнинг Қуролли Кучлари билан биргаликда ҳаракат қилиб, Ўзбекистоннинг ва Ҳамдўстлик жанубий сарҳадларининг ҳавфсизлигини ишончли таъминлашга қодир бўлган

армия тузиш — бундай Қуролли Кучларни барпо этишнинг асосий қоидасидир.

Давлат Қуролли Кучларини жанговар техника ва қурол-яроғларнинг энг янги намуналари билан жиҳозлаш, қўшинларга барча шартшароитлар яратиш, уларнинг ҳаётини таъминлашнинг, ҳарбий хизматчилар ва улар оила аъзоларининг ижтимоий муҳофазаси мустаҳкам тизимини барпо этиш юзасидан аниқ чораларни кўрмоқда.

Мудофаа вазирлиги раҳбарияти, ўқув юртингиз қўймондонлиги юқори малакали зобит кадрлар тайёрлаш юзасидан академия олдига қўйилган асосий вазифалардан келиб чиқиб, ўқув-тарбия жараёнини ташкил этиш ва такомиллаштиришга, яна таъкидлаб айтаманки, миллий кадрлар тайёрлашга алоҳида эътибор бериши лозим.

Ишни шундай йўлга қўйиш зарурки, токи кадрларни тайёрлаш энг замонавий талабларга мос келсин, ҳарбий фаннинг энг сўнгги ютуқлари, иккинчи жаҳон уруши ва ундан кейинги урушларнинг жанговар ҳаракатлари тажрибаси, хусусан, мен буни алоҳида таъкидламоқчиман, афғон урушидаги жанговар операцияларни ўtkазиш тажрибаси ҳисобга олинсин.

Олий зобитларни тайёрлашда Марказий Осиё минтақасининг ўзига хос хусусиятлари инобатга олиниши лозим. Биз буюк бобомиз Амир Темурнинг саркардалик истеъоди ва ҳарбий стратегияси асрлар давомида Шарқ ва Farb давлатлари учун намуна бўлиб хизмат қилганини ҳамиша ёдда тутишимиз ва ҳеч ҳачон унутмаслигимиз керак.

Мен ҳозиргина Қуролли Кучлар академияси таркиби ва, аввало, унинг профессор-ўқитувчилар таркиби қандай тўлдирилгани билан қизиқдим. Академия тингловчиларига муносиб кишилар таълим беришлари лозим. Ўз ишини яхши биладиган, юқори малакали мутахассислар тайёрлашда тажрибаси бўлган кишилар таълим беришлари керак.

Тўғри, бизда зобитлар тайёрлашда ўзини кўрсатган тўртта ҳарбий билим юрти бор. Олий зобитлар таркибини тайёрлайдиган академия Ўзбекистон Қуролли Кучлари генералитетини тайёрлаб беради. У ҳозирнинг ўзидаёқ жуда юқори малакали мутахассислар, зобитларимизга кўп нарсаларни ўргатишга қодир бўлган профессорлар, ўз ишининг усталари билан тўлдирилиши керак. Мен фахрланиб айтишим мумкинки, зобитларимиз орасида ожиз кишилар йўқ. Зобитларимиз халқимиз билдираётган ишончга муносиб кишилар, деб бидаман. Бу масалада Қуролли Кучлар академиясига бизга яна кўп нарсани ўргатиш мумкин бўлган хорижий давлатлар Қуролли Кучлари вакилларини таклиф этишдан уялмаслигимиз керак. Мен Россия Қуролли Кучлари академияси вакилларини, АҚШ, Франция, Германия, Туркия ва бизга ёрдам беришга тайёр турган бошқа давлатлар академиялари ва олий зобитлар тайёрловчи ўқув юртлари вакилларини назарда тутяпман. Биз бугун зўр мамнуният билан шуни айтмоқчимиизки, бу давлатлар элчиларининг бу ерда ҳозир бўлиши бу фикрни тўла тасдиқлайди. Биз контракт асосида хорижий мамлакатларнинг профессор-ўқитувчиларини академияга таклиф этишимиз керак.

Мисол учун, бир взводдан иборат Қуролли Кучларимиз вакилларининг Америкада бўлган ҳарбий машқларда иштирок этишини мен дастлабки тажрибамиз, деб биламан. Бу бизнинг дастлабки ютуғимиздир. Такрор айтаман, бизни шундай доирада қабул қилишгани, бизни тан олишгани, биз билан ҳисоблашаётганлари — ютуғимиздир. Шунинг учун ҳам бизга ўз тажрибаларини ўргатишмоқчи. Мен Президент сифатида буни юксак қадрлайман. Фахрланиб айтишим мумкинки, йигитларимиз, Қуролли Кучларимиз бу биринчи синовдан муносиб равища ўтдилар.

Бугун таъкидламоқчи бўлган асосий гапим шуки, мен буни очиқ айтаман: армиямиз мафкурадан холи бўлиши лозим. Бизга ҳеч қандай мафкурани тиқиширишмасин. Биз ҳар қандай "буюк" ғояларга қаршимиз. Биз ўз юртимизда ўзимиз хоҳлаганча, халқимизнинг, Ўзбекистонда яшаётган барча одамларнинг манфаатларига мос келадиган тарзда яаш, ишлаш ва ўз истиқболимизни белгилаш тарафдоримиз. Зобитларимиз таълим берадиган профессорларга, ўз ишининг мутахассислари бўлган ҳарбийларга мен битта шарт қўяман: ҳеч қандай мафкурага, ҳеч қандай ташвиқотга йўл қўйилмасин. Бу йўлда фақат битта иш: зобитларимизга профессионал бурчини ўргатиш, таълим бериш мумкин. Бизнинг бошқа шартимиз йўқ.

Азиз дўстлар!

Сизларни Ўзбекистон Республикаси Қуролли Кучлари академиясининг очилиши билан самимий табриклайман, мустаҳкам сиҳат-саломатлик, жанговар меҳнатингизда омад тилайман.

Севикли ва муқаддас Ватанимизнинг садоқатли ҳимоячилари — ҳурматли ҳарбийлар!

Бугун ўз эшикларини тантанали суратда очган ҳарбий академиянинг келгуси ишларига, унинг давлатимиз тинчлигини сақлаш, чегараларимиз дахлсизлигини таъминлаш, мамлакатимизнинг мудофаа қудратини ошириш борасидаги улкан фаолиятига муваффақият тилайман.

Ишонаманки, академия чинакам ҳарбий маҳорат мактаби бўлиб қолади, бу даргоҳда таълим олган мард ва шижоатли ўғлонларимиз ватанимизнинг жасур, фидойи посбоилари бўлиб, халқимиизга садоқат билан хизмат қиладилар.

Ҳаммангизга сиҳат-саломатлик, мураккаб ва масъулиятли ишларингизга ривож тилайман.

Амир Темур бобомизнинг мангу руҳи, тенгиз ҳарбий салоҳияти, ақл-заковати ҳамиша Сизларга ёр бўлсин, мураккаб хизматингизда Сизларга куч-қувват бағишиласин!

*1993 йил 2 сентябрь куни
Ўзбекистон Республикаси Қуролли Кучлар академиясининг очилиши маросимида сўзланган нутқ*

СПОРТ — БИРДАМЛИК ВА ТОТУВЛИККА ЧОРЛАЙДИ

**Муҳтарам биринчи Марказий Осиё
ўйинларининг иштирокчилари ва меҳмонлари!**

Хонимлар ва жаноблар!

**Мен Сизларни меҳмондўст ўзбеклар диёрида
қутлаётганимдан, барчангизни биринчи Марка-
зий Осиё ўйинлари очилиши билан табрикли-
ётганимдан хурсандман.**

**Бу улкан спорт байрами ҳалқимиз ҳәётидаги
тарихий шонли воқеа — Ўзбекистон мустақил-
лигининг 4 йиллигига тўғри келгани чуқур
рамзий маънога эга.**

**Барчага маълумки, спорт ҳар доим тинчлик
элчиси, ҳалқлар ўртасидаги дўстлик ва
ҳамжиҳатликни мустаҳкамлашнинг ноёб воси-
таси бўлиб келган ва шундай бўлиб қолади.**

**Шу юксак минбардан туриб бугун қардош
мустақил давлатлар: Қозоғистон ва Қирғи-
зистон, Тожикистон ва Туркманистон ва, ал-
батта, Ўзбекистон спортчиларини чин қалдан
табриклайман.**

**Стадионларда ва спорт майдонларида ҳалол,
очиқ спорт курашида энг кучли ва саботлилар
ғолиб чиқишига ишонаман. Улар мардлиги,
истеъодиди ва маҳорати билан инсон имконият-**

лари чексизлигини яна бир бор исботлайдилар, куч, нафосат ва уйгунликни, ҳаммамиз ҳақли равишда фахрланадиган фазилатларни яна бир бор намойиш қиласидилар, деб ишонаман.

Ҳозирги олимпия ўйинларининг асосчиси Пьер де Кубертэн ялпи тинчлик шахснинг ҳар томонлама камол топиши учун интилишига асосланган антик олимпия ўйинлари эркинлик, тинч мусобақа ва жисмоний камолот руҳининг қайта тикланишига кўмак беради, деб орзу қилган ёди. У спортни ёшларни байналмилал руҳда тарбиялашнинг аниқ имкониятларидан бири деб биларди.

Ишончим комилки, тарихда илк бор бўлиб ўтаётган биринчи Марказий Осиё ўйинлари олимпия ҳаракатининг олижаноб анъаналарини давом эттириб, ҳалқлар ўртасида бирдамлик ва ҳамкорликни қарор топтиришга, минтақамиизда барқарорлик ва тинчликни мустаҳкамлашга хизмат қиласиди.

Фурсатдан фойдаланиб, пойтахтимизда биринчи Марказий Осиё ўйинларини ташкил этиш ва ўтказишни қўллаб-қувватлаганликлари ва ёрдам берганликлари учун Ҳалқаро Олимпия қўмитаси президенти жаноб Хуан Антонио Самаранч ва Осиё Олимпия кенгashi бош котиби жаноб Сингхга миннатдорлик билдиromoқчиман.

Мен, шунингдек, республикамизнинг бош стадиони — "Пахтакор"га қадимий олимпнинг муқаддас оловини олиб келган қадимий Эллада вакилларидан астойдил миннатдорман.

Мұхтарам дўстлар!

Биринчи Марказий Осиё ўйинлари куч, нафосат, ёшлиқ, истеъод ва мардликнинг

ёрқин байрамига айланади, ҳозирги замонда инсоннинг жисмоний ва маънавий камолоти, унинг уйғун тарзда ўсиши энг асосий қадрият эканини намойиш қилади, деб ишонч билдиришга рухсат этгайсиз.

Мусобақаларнинг барча иштирокчиларига мустаҳкам сиҳат-саломатлик, бахт-саодат, спорт беллашувларида муваффақият ва омад тилайман.

1995 йил 2 сентябрда Тошкентда I Марказий Осиё ўйинлари очилиши маросимида сўзланган нутқ

ДҮСТЛИК, ТИНЧЛИК ВА БУНЁДКОРЛИК ЙЎЛИДАН

Муҳтарам Эдуард Амвросиевич!
Азиз дўстлар!

Биз Сизни, Эдуард Амвросиевич, Сиз бошқараётган Грузия давлати делегациясини Узбекистон диёрида улкан эҳтиром туйғуси билан қутлаймиз.

Сизнинг Узбекистонга илк ташрифингизга, суверен ва мустақил Грузия делегациясининг илк ташрифига ўзбек ва грузин халқларининг ўзаро ҳурмати, иккала давлатнинг дўстлик ва ҳамкорлик муносабатларини ўрнатишга бўлган самимий истагининг бир кўриниши, деб қараймиз.

Грузин ва ўзбек халқларининг тарихий тақдирларида жуда кўп ўхшашлик бор. Бизнинг тарихимиз ва маданиятимиз жуда қадимийdir, биз аждодларимиз анъаналари ва урфодатларини муқаддас деб биламиз. Сизлар ҳам, бизлар ҳам ўз минтақаларимизда марказий ўринларни эгаллаб турибмиз.

Грузинлар ва ўзбекларнинг серҳосил ерлари, ер ости бойликлари асрлар мобайнида турли босқинчиларнинг кўзини ўйнатиб келган, аждодларимиз эса, доимо бу ерларни талончилардан ҳимоя қилиб келганлар.

Жаҳон маданиятиниң улкан намояндалари орасида бизга тинчлик, бунёдкорлик, ватанга садоқатни васият қилиб қолдирған Шота Руставели ва Алишер Навоийниң номлари алоҳида ўрин тутади. Бугунги кунда, ҳозирги қийин пайтларда ҳам бизнинг асосий ташвишимиз давлат мустақиллигини мустаҳкамлаш, ҳалқларимиз келажаги учун мустаҳкам пойдерор барпо этишдан иборат.

Мен мана шу барча муҳим масалалар бўйича Грузия раҳбари жаноб Шеварднадзе билан тўла ҳамфикр эканимиздан хурсандман. Биз Эдуард Амвросиевични йирик давлат ва сиёsat арбоби, озод Грузияниң ҳақиқий ватанпарвари, барча кучи ва улкан тажрибасини ўз ҳалқига садоқат билан хизмат қилишга бағишлаган инсон сифатида биламиз.

Ишончим комилки, биз бир-биримизни қўллаб-қувватлаган ҳолда қийинчиликларни тезроқ енгиб ўтамиз, давлатларимиз олдида турган мақсадларга тезроқ эришамиз. Ўзбекистон бу йўлда грузин қардошлари учун ҳар доим садоқатли дўст ва ишончли ҳамкор бўлиб қолади.

Ошкора сұхбат мобайнида биз МДҲ доирасида ҳам, кенг ҳалқаро майдонда ҳам саъи-ҳаракатларимизни янада яхшироқ мувофиқлаштириш ҳақида келишувга эришдик.

Бугун имзоланган ҳужжатлар мамлакатларимиз ўртасидаги янги ўзаро муносабатларга асос бўлишига аминман.

Ҳозир Грузияда ҳам, Ўзбекистонда ҳам ҳалқларимиз ва давлатларимиз келажаги учун улкан аҳамиятга молик ўзгаришлар содир бўлмоқда. Бошланган ўзгартиш ва ис-

лоҳотларнинг асосий мақсади халқларимиз учун яхши турмуш шароити яратиш, ҳар бир кишининг салоҳияти ва имкониятини тўла юзага чиқаришдан иборат.

Бу йўлда кўпгина мураккабликлар ҳам бор, албатта. Ислоҳотлар жараёни ҳеч қаерда ва ҳеч қачон осон кечмаган. Ўтмиш қолдиқлари, тафаккур қолоқлиги, эскича фикрлаш, ҳаммани тенглаштириш, боқимандалик психологияси ва бошқа йигилиб қолган муаммоларни бартараф этишимиз лозим.

Тарихан қисқа муддат ичидаги иқтисодиётда чуқур тузилма ўзгартишлари қилиш, бутун хўжаликни бозор иқтисодиёти йўлига ўтказиш учун чора-тадбирлар мажмуини амалга ошириш зарур.

Мана шу мураккаб вазифаларни ҳал қилишга киришар эканмиз, биз Ўзбекистон ўз шартшароит ва имкониятлари, халқимизнинг ањаналари ва руҳиятини ҳисобга олган ҳолда ўз йўлидан боради, деган қарорга келдик.

Биз Ўзбекистон халқининг амалга оширилаётган ва ишончимиз комилки, барқарор тус олган ислоҳотларни қўллаб-қувватлашини мустақиллик йилларидағи саъй-ҳаракатларимизнинг энг муҳим якуни, деб биламиз.

Биз халқимиз, жамоатчилигимизнинг бундай мададини Ўзбекистонда амалга оширилаётган сиёсий ва иқтисодий ислоҳотлар муваффақиятининг муҳим шарти, деб биламиз.

Очигини айтаман: биз белгилаган туб ўзгартишларнинг моҳиятини Ўзбекистондан ташқарида дастлаб ҳамма ҳам бир хилда идрок этгани йўқ.

Шу ўринда буюк Шота Руставелининг: "Жангни ташқаридан кузатган ҳар қандай ки-

ши ўзини саркарда ҳисоблайди", деган сўзларини эслаш · жоиздир. Бизга ақл ўргатмоқчи бўлғанлар ҳам анчагина эди, бироқ биз ўз аҳдимизда қатъий турдик.

Бугун сохта камтарликларсиз айтиш мумкинки, "Ўзбек модели" деб ном олган тараққиёт модели республикадан ташқарида тобора машҳур бўлиб бормоқда.

Биз асраб қолишга муваффақ бўлган энг катта бойлик — мамлакатимиздаги сиёсий барқарорлик, фуқаролар тинчлиги ва миллатларо тотувликдир. Уч йилча бурун жамиятимиз ҳаётининг барча томонларини белгилаб берувчи мустақил Ўзбекистон Конституцияси қабул қилинди. Янги парламент — Олий Мажлисга сайлов ўtkазилди. Ҳақиқий кўп партиялилик пайдо бўлмоқда. Бугунги кунда республикада тўртта сиёсий партия ва бир қанча жамоатчилик ҳаракатлари фаолият кўрсатмоқда.

Ҳуқуқий ислоҳот ҳам ўтказилди. Қабул қилинган қонунлар фуқароларнинг ҳуқуқ ва манфаатларини муҳофаза қилишга, жамиятни демократиялашни чуқурлаштиришга, бозор ислоҳотларини сакрашлар ва фалаж қилувчи ҳолатларсиз тезлаштиришга қаратилган.

Иқтисодий сиёсатда биз ижтимоий томонларни доимо ҳисобга олишга ҳаракат қиласиз.

Аҳолининг кам таъминланган қисмини кўллаб-қувватлаш, иш ҳақи, пенсия ва нафасаларни мунтазам равишда ошириб бориш, даромадларни индексация қилиш амалга оширилмоқда. Миллий валюта — сўм жорий қилинган бўлиб, у ҳозирнинг ўзидаёқ ички конвертацияга эга бўлди. Пул қадрсизланиши суръ-

атлари мунтазам равишда ва изчиллик билан пасайиб бормоқда, давлат бюджети барқарорлик билан деярли камомадсиз бажарилмоқда.

Иқтисодиёт тузилмасида ҳам чуқур ўзгаришлар амалга оширилмоқда. Биз асосий тармоқлар — қишлоқ хўжалиги, ёнилги-энергетика ва қазилма мажмуига, машинасозликка, енгил ва қайта ишлаш саноатига алоҳида эътибор бермоқдамиз.

Мана шу ва бошқа тармоқларга йирик давлатлар маблағлари ажратилган, салмоқли хорижий сармоялар жалб этилган. Бу бизга аста-секин, бироқ дадиллик билан илгариги, шўро салтанати давридаги хом-ашё берувчилик вазифасидан қутулиб, рақобатбардошли тайёр маҳсулот ишлаб чиқаришимизга имкон беради.

Хусусий тадбиркорликни ривожлантириш учун ҳам қулай шароитлар яратилган. Биз муқаррарлик туси берган хусусийлаштириш ҳам тобора кенгайиб бормоқда.

Бу гапларни рақам ва далиллар билан исботлашга зарурат бўлмаса керак. Улар, азиз меҳмонлар, Сизларга яхши маълум. Шуни айтиш кифояки, илгариги хўжалик алоқалари-нинг узилишидаги барча мураккабликлар ва бу мураккабликлар келтириб чиқарган салбий жараёнларга қарамай, МДҲдаги барча давлатларга нисбатан бизда ижтимоий ишлаб чиқаришнинг пасайиш суръати энг камдир.

Бугунги кунда Ўзбекистоннинг ташқи қарзи йўқ. Биз нефть мустақиллиги арафасида турибмиз. Янаги йилда эса, ғалла мустақиллигига эришамиз. Бугунги кунда бутун Республикада юзлаб янги замонавий корхоналар қурилмоқда.

Мен бугун таъкидламоқчи бўлган муҳим бир фикр: Ўзбекистонда ўтмишни қўмсанг йўқ. Ҳалқимиз назари фақат келажакка, фақат олга қараган. Орқага қайтиш йўқ ва қайтилмайди ҳам.

*1993 йил 4 сентябрда Грузия
давлати раҳбари, Грузия Парла-
менти Раиси Э. Шеварднадзе
шарафига уюштирилган қабул
маросимида сўзланган нутқ*

МИНТАҚАДА ХАВФСИЗЛИК ВА ҲАМКОРЛИК УЧУН

**Муҳтарам делегация бошлиқлари!
Хонимлар ва жаноблар!**

Сизларни қадимий Ўзбекистон диёрида чин дилдан қутлайман ҳамда Тошкент кенгаш-семинарининг барча иштирокчиларига самимий миннатдорлигимни изҳор этаман.

Сизларнинг юртимизга ташрифингиз минтақамиз тақдири учун катта аҳамиятга эга бўлган ушбу анжуманни ўтказиш имконини берди.

Мазкур учрашуви мизнинг кўпгина яхши нишоналари бор. Биз Бирлашган Миллатлар Ташкилотининг 50 йиллиги арафасида тўпланиб турибмиз. Бугунги анжуманни ўтказишга тайёргарлик ҳам айнан ана шу мўътабар ташкилотнинг ташаббусимизни маъқуллаши ва қўллаб-қувватлаши туфайли бошланган эди. Бизнинг ташаббусимизни ҳар томонлама ҳўллаб-қувватлагани учун жаноб Бутрос Бутрос Голийга миннатдорлигимизни айтишга ижозат бергайсизлар. Биз БМТнинг Тошкентдаги ваколатхонаси томовидан кўрсатилаётган доимий ёрдам учун ҳам миннатормиз.

Биз бу ерда Европада Хавфсизлик ва ҳамкорлик ташкилоти делегациясини қутлашдан ҳам хурсандмиз. Кенгаш ташкилотчилари бу мўътабар ташкилот билан фаол ҳамкорлик қилишдан умидвордир.

Тошкент кенгашида БМТ Хавфсизлик Кенгашининг аъзоси бўлган давлатларнинг кўзга кўринган сиёсий вакиллари, Марказий Осиё билан чегарадош мамлакатларнинг салмоқли делегациялари иштирок этаётгани бизга бу кенгашини ўтказиш зарурлигига ишонч бағишлийди.

Биз Ўзбекистондаги бошқа давлатлар элчи-лари, шунингдек тинчлик, барқарорлик ва ҳамкорлик йўлидаги фаолияти билан ҳурмат-эътибор қозонган олимларни ҳам самимий қутлаймиз.

Биз анжуманимиз ишида Ислом Конференцияси Ташкилоти (ИКТ) иштирок этаётганига ҳам катта аҳамият билан қараймиз.

Ўзбек халқи анъаналари орасида қўшиналарга ҳурмат-эътибор алоҳида ўрин тулади. Шунинг учун ҳам мен Қозоғистон, Қирғизистон, Тоҷикистон ва Туркманистон делегациялари шаънига алоҳида самимий миннатдорлик сўзларини айтаман.

Уларниң Тошкент анжуманида иштирок этиши — бизнинг Марказий Осиёдаги аҳиллигимиз ва бирлигимизнинг ҳам қўллаб-қувватланиши, ҳам бу аҳиллик ва бирликнинг энг ишончли далолатидир.

Минтақада вужудга келаётган вазиятни чуқур таҳлил қилиш, Тошкент учрашувида муҳокама қилиш учун минтақавий ва оламшумул аҳамиятга эга бўлган муҳим масалалар

мажмуини белгилашдек меҳнатни ўз зиммасига олган экспертларга ҳам миннадорлик билдириш ниҳоятда адолатли иш бўлур эди.

Биз Тошкент учрашуви мақсадларини жуда қисқа — бор-йўғи уч сўзда ифодалашга ҳаракат қилдик. Бу: Тинчлик, Барқарорлик, Ҳамкорлик сўзлари ҳеч кимда эътиroz уйғотмаса керак.

Биринчиси — давлатлар ва халқлар ўртасидаги тинчлик, ўзаро ҳурмат ва ишонч, суверенитет ва мустақилликни сўзсиз тан олиш, куч ишлатишдангина эмас, куч ишлатиш билан қўрқитишдан ҳам тўла воз кечишидир.

Иккинчиси — сиёсий, ижтимоий-иқтисодий тараққиётнинг, ислоҳотлар олға силжиши ва амалга ошишининг, инсон ва жамият фаолиятининг барча соҳаларида тараққиётга эришишининг муҳим шарти бўлган барқарорлиkdir.

Учинчиси — биринчи галда давлат ва жамият тараққиётининг ижтимоий-иқтисодий ва маънавий жиҳатларини рағбатлантирувчи ўзаро фойдали ва тенг ҳуқуқли шериклик асосида амалга ошириладиган иқтисодий интеграция жараёнларидан иборат ҳамкорлиkdir.

Хонимлар ва жаноблар!

Бугунги учрашувимиз — энг аввало, кўпгина давлатларнинг илгари миңтақавий хавфсизликни таъминлаш борасидаги саъй-ҳаракатларининг мантиқий натижаси ва қонуний давомидир.

Бугунги учрашувимиз арафасида ўтказилган, Бирлашган Миллатлар Ташкилоти, Европада Хавфсизлик ва ҳамкорлик ташкилоти, Мустақил Давлатлар Ҳамдўстлиги, Марказий Осиё давлатлари давлатлараро кенгashi вакилларидан ташқари 16 мамлакатдан келган экс-

пертлар иштирок этган эксперталар кенгаши ҳам бу давлатларнинг Марказий Осиёнинг тинчлик, барқарорлиқда ривожланишидан манфатдор эканини кўрсатди.

Тошкент анжумани илгари бу йўналишда ташланган қадамларни рад ҳам, тафтиш ҳам қилмайди. Аксинча, кўпгина эксперталар эътироф этганидек, уларнинг мазмунини бойитади, ҳамкорликнинг сифат жиҳатидан янги шакллари учун шароит яратади.

Кўпгина эксперталарнинг бир ярим ҳафта бурун бу ерда изҳор этган фикрлари унинг муҳим томонларини аниқлаб олиш имконини беради.

Энг аввало — бу ана шундай учрашувларнинг маслаҳат ва кенгаш тусида ўтишидир. Бизнинг назаримизда, бу шакл эркин фикр алмашувга яхши шароит яратади, нуқтаи назарларни таққослаш ва бир-бирига яқинлаштириш, биргаликда ташаббуслар кўтариб чиқиш имконини беради.

Тошкент кенгаш-семинари бошқа халқаро ташкилотларга асло қарама-қарши қўйилмайди ва уларнинг ишини такрорламайди.

Биз мазкур семинарни минтақавий хавфсизлик ва барқарорлик тизимини ўрнатиш ва уни олға силжитиш йўлида, Марказий Осиё минтақаси давлатлари ва халқлари учунгина эмас, балки бу минтақага чегарадош улкан ҳудуд учун ҳам жуда зарур бўлган ҳамкорликни ривожлантириш учун мустаҳкам асосни шакллантиришда турли фикр ва ёндашувларни юзага чиқариш ва уларни бир-бирига яқинлаштиришдан манфаатдор бўлган анжуман деб баҳолаймиз. Буларнинг барчаси Бирлашган Миллатлар Ташкилоти, Ев-

ропада Хавфсизлик ва ҳамкорлик ташкилоти ва бошқа халқаро ташкилотларнинг барча қабул қилган, барча томонидан эътироф этилган меъёр ва механизмлари доирасида бўлади.

Хонимлар ва жаноблар!

Янги жамият қураётган, ислоҳотлар ва янгиланишлар йўлида дадил олға бораётган Ўзбекистон учун, бошқа қўшни суверен давлатлар сингари, амалда давлат чегаралари бўлмаган мазкур минтақада тинчлик ва барқарорлик керак.

Бугунги кунда жаҳонда юз берәётган оламшумул ва минтақавий жараёнлар ўртасидаги узвий алоқа тобора кўпроқ эътироф этилмоқда. Оламшумул хавфсизлик ва умумий тараққиётга эришиш минтақавий барқарорликни ўрнатиш ва бир-бирини англашга бевосита боғлиқ экани барчага маълум.

Биз Марказий Осиё деб атайдиган, дунё қарийб юз йил давомида унутиб қўйган жўғрофий-сиёсий маконнинг бугунги кунда ўзини янги сифати билан кўрсатаётгани сиёсий шароитда кутилмаган ўзгаришларни келтириб чиқаради.

Айни пайтда, бугунги кунда кўлгина мамлакатларнинг сиёсий ва иқтисодий манфаатларини жалб этаётган Марказий Осиё уларнинг ташқи сиёсий йўли стратегиясини шакллантиришда муҳим ва ҳал қилувчи унсур бўлиб қолмоқда.

Биз, янги мамлакатлар раҳбарлари, ўз муаммоларимиз хусусида мунозара қилишга ўрганиб қолганимиз.

Бироқ, биз яшаётган дунё торгина эмас, жуда мураккаб эканлигини идрок қилмасдан туриб, бу муаммоларни ҳал қилиш мумкинми?

Биз бир-бири миздан қочмаслигимиз керак.

Биз бир-бири мизни тушунишга мажбурмиз.

Биз бу учрашувда бемалоллик ва эркінлік, турли фикрларга ҳурмат ва тоқат билан қараш шароитида ҳар бир иштирокчининг минтақадаги вазият хусусида ўз фикрини очиқ айтиш истаги гайдо бўлишини, уларнинг қўйилган мақсадларга эришиш йўллари тўғрисидаги фикрларини баён қилишини жуда-жуда истар эдик.

Кўп томонлама мулоқотни қандай йўлга қўйиш мумкин?

Олдинга ташланадиган қадамлар қандай ва нималардан иборат бўлиши лозим?

Учрашувимиз шиорини қандай амалга ошириш мумкин?

Муҳтарам кенгаш қатнашчилари!

Ҳар бирингизнинг папкангизда Баёнот лойиҳаси бор. Бу — коллектив ҳужжатdir. Сизлар бу лойиҳага вазият ҳақидаги тасаввурингиз, тинчликни мустаҳкамлашга, барқарорликни таъминлашга, хавфсизликни кафолатлашга доир фикрларингизни қўшингиз. Үндаги бир-бирини ўзаро англаш ва ҳамкорликка халяқит берадиган барча нарсани чиқариб ташланг.

Минтақамиз хусусияти, унинг жўкрофий-сиёсий аҳамияти шундайки, воқеалар салбий тус олган тақдирда, бу ер бутун дунёдаги бесқарорлик ўчогига айланиб қолиши ҳеч гап эмас.

Ҳозирнинг ўзидаёқ Афғонистон ва Тожикистондаги воқеалар 60 миллион киши тақдирiga салбий таъсир кўрсатмоқда.

Бу мамлакатлардан келаётгая хавф Марказий Осиё давлатлари учун энг муҳим муаммолардан бири бўлиб қолмоқда.

Келинглар, минтақада тўпланган қуролларнинг катта заҳираси солаётган таҳлика, янги қурбонлар қидириб тарқалаётган наркобизнес, экология танглиги, аҳолининг назоратдан чиқиб кетган кўчиши, уюшган жиноятчилик ўрнида тинчлик, барқарорлик ва ҳамкорлик Марказий Осиёдаги ҳақиқатга айланиши учун нима қилиш лозимлиги ҳақида ўйлаб кўрайлик.

Хавфсизликни таъминлаш бўйича энг оддий механизмларнинг йўқлиги, давлатлар ўртасидаги мунозарали масалаларни ҳал қилишдаги тарқоқлик воқеалар салбий тус олган тақдирда минтақадаги нисбий барқарорликни барбод қилиб, олдиндан билиб бўлмайдиган миқёсларда ҳалокатлар келтириб чиқаришга қодир.

Айни пайтда, можароли вазиятларни бартараф қилиш хусусида гапирап эканмиз, биз ҳаққоний вазиятни ҳисобга олишимиз керак. Бир туртки билан Афғонистон ва Тожикистонда тинчлик ва барқарорликка эришиш мумкин, деган фикр жуда жўн фикрdir.

Бизning қатъий ишончимизга кўра, тинчликка қадам-бақадам, муҳолиф томонларга бир хилда мақбул келадиган муайян, аниқ бажариб бўладиган босқичлар орқали ҳаракат қилиш зарур.

Бизning назаримизда, тинчлик ва барқарорликни ўрнатиш жараёни қуидаги ўзаро узвий боғлиқ унсурлардан ташкил топиши лозим:

— низоларни бартараф қилишнинг босқич-ма-босқичлиги;

— барча манфаатдор томонларнинг музокара жараёнида иштирок этиши;

— томонларнинг бир-бирига си бериш ва муроса йўли билан бир-бири томон яқинлашуви;

— бу жараёнда БМТ, ЕХХТ, ИКТ ва бошқа халқаро ташкилотларнинг фаол иштирок этиши ва ҳомийлик қилиши;

— ҳар бир мамлакат ҳудудий яхлитлигининг сақланиши;

— қай шаклда бўлмасин, ташқаридан таъсир ўтказиш ва аралашувга йўл қўйилмаслиги;

— маҳаллий можаролар зоналарига қурол етказиб беришни қатъян тақиқлаб қўйиш.

Хавфсиз дунё — умуман, бутун инсоният учун ҳам, ҳуқуқлари учун курашда озмунча найзаси синмаган ҳар бир инсон учун ҳам олий мақсаддир. Бугунги кунда жаҳондаги кўпгина минтақаларда юз бераётган, одамларни энг асосий ҳуқуқи — яшаш ҳуқуқидан маҳрум қилаётган қонли тўқнашувлар тўхтатилмас экан, инсон ҳуқуқлари ва инсоният тараққиёти соҳасида эришилган ютуқлар тўғрисида жиддий гапириб бўлмайди.

Муҳтарам Тошкент анжумани иштирокчилари!

Биз саъй-ҳаракатларимизни бирлаштириб, энг асосий қоида ҳозирги замон жамият тараққиётининг бебаҳо бойлиги, ҳатто минтақада барқарорликни ўрнатишнинг муҳим шарти сифатида инсон ҳуқуқлари ва эркинликларига ҳурмат-эҳтиромни мустаҳкамлашимиз керак. Биз сиёсий ва иқтисодий ислоҳотларни олга силжитишимиз, наркобизнес ва терроризмга, минтақавий ва жаҳон ҳамкорлиги жараёнлари ривожига ҳалақит берадиган барча иллатларга қарши курашишимиз лозим.

Хавфсизлик тушунчаси фақат ҳарбий соҳа билангина чегараланиб қолмаслиги барчага маълум. Кейинги пайтда хавфсизликнинг сиёсий, иқтисодий, инсонийлик ва бошқа белгиларни ўз ичига оладиган ҳарбий бўлмаган жиҳатларини англаш анча кучайди.

Биз, экология ҳалокати марказига тушиб қолган Марказий Осиёда истиқомат қилаётган кишилар буни яхши тасаввур этамиз.

Мен атроф муҳит ва стратегик хавфсизлик муаммоларининг бир-бирига ўзаро таъсирига далил бўлиб хизмат қилаётган Орол фожиасини назарда тутмоқдаман.

Оролнинг Европа марказларидан узоқда жойлашгани мазкур ҳалокат туфайли ер биосферасида юз бсрраётган бузилишлардан уларнинг ҳимояланишини кафолатламайди.

Ишончим комилки, бугунги кунда дунё миқёсига чиққан Орол муаммоси экология ма-салалари билангина чекланиб қолмайди. Бу шунингдек, инсониятнинг бир-бирига ҳамдардлиги ва бир-бири билан ҳамкорлик қилиш қобилиятини синовдан ўтказадиган маънавий муаммо ҳамдир.

Хонимлар ва жаноблар!

Энди анжуманимиз концептуал томонларининг қисқача баёнига ўтишимга ижозат бергайсиз.

Биринчидан. Минтақавий ва оламшумул миқёсларда тинчлик ва барқарорликни мустаҳкамлаш мақсадида ҳалқаро ташкилотлар ҳамкорлиги механизмини ишлаб чиқиш эҳтиёжи пайдо бўлди.

БМТ, ЕХХТ, ИКТ, МДҲ ва бошқа ҳалқаро ташкилот ва бирлашмалар хавфсиз тинчликка

эришиш йўлида ўз саъй-ҳаракатларини муво-
фиқлаштириши лозим.

Шуни эътироф этиш керакки. Марказий
Осмёда бунга катта эҳтиёж сезилмоқда.

Давр хавфсизликнинг яхлитлигини ҳамда
энг муҳим ва кечиктириб бўлмайдиган иш
сифатида уни таъминлаш воситалари муаммо-
сини шакллантириди.

Иккинчидан. Хавфсизлик ва барқарорликка
эришишнинг энг муҳим шарти бўлган комму-
никациялардан оқилона фойдаланиш ҳақида
тапириш лозим.

Учинчидан. Инсон ва кам сонли миллатлар
ҳуқуқлари, уларнинг хавфсизлиги кафолатини,
ижтимоий қадрнятлардан тенг баҳраманд
бўлиши кафолатларини таъминлаш, терроризм
ва наркобизнесга қарши кураш соҳаларида
ҳамкорликка доир маълумотларни марказлаш-
тирувчи ягона ахборот тизимини яратиш зару-
рати ҳам етилди.

Бизнинг назаримизда, шу мақсадда ЕХХТ
ҳомийлигига минақада ҳамкорликни мус-
таҳкамлаш, тинчлик ва барқарорликка эри-
шишнинг энг муҳим масалалари бўйича экспе-
рт тавсияларини ишлаб чиқадиган бирлашган
ахборот фонди ташкил этилса ёмон бўлмас
эди.

Стратегик масалаларни ҳал қилиш технологияси сиёсий ирода ва яхши ҳисоб-китобдан
ташқари, қадимий Осиё мутафаккирлари барча илмлардан устун қўйған муносабатлар илми
соҳасидаги кенг билимларнинг қўлланишини
ҳам тақозо этади.

Тўртинчидан. Замонавий сиёсат рақобат
руҳи билан суғорилган.

Мен сиёсатда шундай рақобат тарафдориман, бу рақобат хавф-хатарсиз тинчликка интилиши билан ўзини оқлади.

Мен хавфсизлик ва тинчлик учун курашда устунлик берадиган янги ғоялар, технологиялар ва фикрларни ишлаб чиқишга ундаидиган шундай рақобат тарафдориман.

Назаримда, бизнинг Тошкент анжуманининг ксийнги кенгашларини Алмати ёки Душанбе, Ашхобод ёки Бишкеқда ўтказиш ҳамда унда иштирок этиш учун тинчлик, барқарорлик ва ҳамкорлик учун курашаётган барча давлатларни таклиф қилиш ҳақидағи фикр ҳеч кимни ажаблантирмаслығи керак.

Хонимлар ва жаноблар!

Жақондаги ҳозирги вазиятта икки принципиал ҳол ҳосдир:

— биринчиси, бўйрон ва зиддиятларни енгиллаштирадиган икки томонлама алоқаларни ҳар томонлама рағбатлантириш;

— иккинчиси, инсоният тизими учун умумий мақсадларни ишлаб чиқиб, алоҳида ўрин тутадиган БМТ, ЕХХТ ва бошқа халқаро ташкилотлар нуфузини эътироф этишdir.

Бу тузилмалар барпо этган халқаро муносабатларнинг асосий қоидалари ксийнги мураккаб ўн йилликлар давомида ўзининг ҳаётбахшлиги ва ҳар томонлама амал қила олишини исботлади.

Ихтиёrimizda мураккаб баҳс ва зиддиятларни маърифий йўл билан ҳал қилишнинг мака шундай синалган механизмлари борлиги — катта омаддир.

Энди иш сиёсатчиларга боғлиқ.

Тақдирини бизга ишониб топширган халқлар инсон ва давлат хавфсизлиги билан боғлиқ масалаларни ҳал қилишда изчиллик ва масъулиятимизга, донолигимиз ва сабр-бардошимизга умид қилади.

Ишончим комилки, Тошкент кенгаш-семинари БМТ "Тинчлик кун тартиби"га киритган масалаларни ҳал қилишда муносиб ҳисса бўлиб қўшилади. Шу йўл билан Марказий Осиё сайёрамизда тинчлик ва хавфсизликка эришишга қаратилган инсоният аҳиллиги ва биргаликдаги саъй-ҳаракатлар майдонини кенгайтиради.

Мазкур анжуман иштирокчиларига унумли ва самарали иш, ҳамкорлик масалаларни тилайман.

Эътиборларингиз учун ташаккур.

1995 йил 15 сентябрда Тошкентда Марказий Осиёда Хавфсизлик ва ҳамкорлик масалаларига багишланган кенгаш-семинарда сўзланган нутқ

ЮКСАК МАЛАКАЛИ МУТАХАССИСЛАР – ТАРАҚҚИЁТ ОМИЛИ

**Азиз биродарлар!
Қадрли меҳмонлар!**

Сизларни, аввало, мамлакатимиз тарихи ва тақдирин учун мұхим ажамиятта молик бўлган воқеа – Давлат ва жамият қурилиши академияси очилиши муносабати билан чин қалбимдан табриклишга ижозат бергайсиз.

Академиянинг номидан ҳам яққол кўринниб турибдики, бундай Академиянинг тузилиши дунё ҳаритасида пайдо бўлган, ўзига хос ва ўзига мос йўли билан дацил қадам қўяётган мустақил Ўзбекистоннинг ҳаётидаги давлат ва жамият қурилиши билан боғлиқ масалаларни ҳал этишга қаратилгандир.

**Хонимлар ва жаноблар!
Дўстлар!**

Мен мазкур Академиянинг ташкил этилишида фаол меҳнат қилган, бу ишга ўзининг салмоқли ҳиссасини қўшган барча кишиларга чуқур миннатдорлик сўзларини айтмоқчиман.

Фурсатдан фойдаланиб, бугунги маросимда шитирок қилаётган азиз меҳмонларимиз – Ўзбекистоннинг янги давлатчилиги барпо этилиши-

да, демократик ва иқтисодини ислоҳотларни амалга оширишда бизга ёрдам берган ва кўмаклашаётган кўплиб хорижий давлатлар ҳамда шуфузли халқаро ташкилотларнинг ваколатли вакилларига ташаккур изҳор қиласман. Чунки Академиянинг очилиши ҳам ана шу жараёнларнинг яққол натижасидир.

Биз мустақиллик йўлини ташлар эканмиз, уз уйимизни бунёд этишда иккى асосий тамойилга таянишмизни бошидаёқ эълон қилган эдик.

Биринчи, ва энг муҳим тамойил — биз барча ислоҳотларни ҳаётта татбиқ этишда ўтмишмизни теран ҳис этиб, халқимизнинг руҳиятини, унинг тарихий ва миллӣй ўзига хос жиҳатларини, анъана ва урф-одатларини. Ўзбекистоннинг буюк халқи ўзининг кўп асрлик бой тарихи давомида тўплаган фазилатларни имкон қадар инобретга олган ҳолда иш тутамиз.

Ўтказилаётган ислоҳотларда миллӣ ва маҳаллий шарт-шароитни пазарда тутини ва акс этиришгина биз учун уларни муваффақиятни амалга оширишининг кафолати бўлиб хизмат қиласди.

Иккисидаи, Ўзбекистон бутун дунё учун очик ва биз сабрёрамизда рўй бераётган жараёнларни тераю ва пухта идрок этишга, демократик қурилиш, бозор муносабатларига асосланган хўжалик юритиш борасида ривожланган давлатлар тўплаган улкан тажриба асосидаги замонавий цивилизация ютуқлари билан танишиши. Европа ва жаҳон ҳамжамиятига янада фаол қўшилишга ҳаракат қиласмиш.

Биз турли мамлакатлар иқтисодиётининг ўзига хос тараққиётини катта лиққат-эътибор билан ўрганимиз, жаҳон амалиёти ва жаҳон тафаккурида тўпланишган энг яхши тажрибаларни ўзимизда кўллашни ор билмаймиз, акслича, бундай интилишни ҳар жиҳатдан рагбатлашигимиз.

Шу маънода, ўзимиз танлаган йўлиниг энг аввалидаёқ АҚШ, Япония, Буюк Британия, Германия, Франция каби иқтисодий жиҳатдан ривож тоғган мамлакатлар тажрибасига мурожаат этганимиз, бошига давлатлар тажрибасини ҳам ўзлаштирганимиз бежиз эмас.

Лайин ана шу мамлакатлар тажрибасидан биз давлатчиликимиз қаддииш тиклаш ва иқтисодий ислоҳотларни амалга ошириш имконини берадиган йўлини тоғлиқ.

Биз бундан кейин ҳам хорижий мамлакатларда давлатчилик, сиёсат ва иқтисодиёт соҳаларида рўзи берадиган янги ижобий ўғарнишларни қупп билан ўрганимиз ва бундан ўзимизга керакли хуносаларни чиқарамиз.

Ана шу тамойцлар Давлат ва жамият қурилиши академияси фаолиятининг асосини ташкия этиши керак. Бунда давлатчилик ва жамият қурилишининг мураккаб ва узоқ йўлини босиб ўтган илгор мамлакатлар тажрибасини ўрганиш ва ўзлаштириши билан бирга, ўз тарихимизни, ҳалқимиз психологиясининг моҳиятини тушуниш фавқулодда муҳим аҳамият касб этиди. Аниқса, танлаган ўз тараққиёт ва ислоҳот йўлимиздан тезкорлик билан илгари силжинига кучли руҳий қувват берадиган миллӣ маданиятимиз, Шарқ фалсафасинииг ҳаётбахши ва геран булоқларидан баҳраманд бўлиш муҳимдир.

Бониқа жиҳатдан эса, мустақиллик йилларида давлат қурилиши, жамиятиниң ҳуқуқий асосларини шактилантириши, иқтисодиётни тубдан ислоҳ қилиши борасида ўзимизда ҳам амалий тажриба тўпланиши.

Биз, бир неча бор тақрорлаганимиздек, ислоҳотлар йўлиниг бошланғич, энг қийин, шу билан бирга энг муҳим босқичини ўтлиқ.

Оддимиизда бу босқични батафсил ўрганиш ва таҳмил этиш вазифаси турибди.

Қандай ишларни амалга ошира олдик, қайси жиҳатларда фаол ҳаракат қилиб, кўзлангав мақсадларга эришлик, қаерда депсииниш рўй берди – буни таққидий кўз билан баҳолашимиз ва зарур хуносаларни чиқаришнимиз лозим. Ютуқларимиз нимада, камчиликларимиз нимада эканини анниқ билиншимиз керак.

Кундайлик тифиз иш давомида бундай муаммоларни чуқур ва атрофлича таҳлил этишга кўшинча вақт етишмаслиги тушунарли, албатта. Академия эса айшаш ана шу ишни амалга ошириши, бундай имкониятни яратиши, мамлакатимизда рўй берәётган ўзгаришларни нафақат илмий жиҳатдан, балки икир-чикирларигача ўрганинг мұхитни шакллантириши даркор. Давлат ва жамият қурилишини асослаш бўйича илмий изланишларни мувофиқлаштириш ва чуқурлаштириш орқали уларга юксак малакали мутахассислар нуқтани назаридан атрофлича баҳо беринш, уларни янада ривожлантириши йўлларини топиш зарур.

Бу ишда ҳам бошқа мамлакатлар тажрибасига суюниншимиз лозим бўлади. Чунки биз ҳозирча бу даражадаги мутахассисларни ўқитиш учун ўз ўкув қўлланмаларимизни, ўз ўкув дастурларимизни яратиб улгурганимиз йўқ. Шунинг учун бу ерда, биринчи навбатда, бошқарув ходимларини тайёрлайдиган йирик хорижий марказларининг тажрибаси, дастурлари ишга солинишни даркор. Бу ўринда анчадан буён махсус курслар, марказлар, махсус ўқитиш модулларинини кеңг тармоғига эга бўлган Франция, Германия, АҚШ мамлакатлари тажрибасини эслаш кифоя.

Бундан ташқари, Ҳалқаро валюта фонди, Жаҳон банки, Ёвропа Иттифоқи Комиссияси каби ҳалқаро иқтисодий ва молиявий ташкилотларнинг институтлари нафақат ўз мутахассисла-

рини, балки собиқ социалистик мамлакатлар учун ҳам ходимларни қайта таисерлаш бўйича бой тажрибага эга.

Академия – бу оддий ўкув юрти, кадрлар, ҳаттоқи, раҳбар кадрлар тайёрлайдиган билим даргоҳигина эмас. У янги тафаккур шаклланадиган, узимиз тўмлатган ва бошқа мамлакатларда түшлайган илғор тажрибалар ўрганиладиган, таҳлил қилинадиган ва таҳсил бериладиган марказ бўлиб колиши керак.

Худди шулар янги ўкув дастурлари ва қўлланмаларини яратишда асос бўлишин лозим. Улар Академиянинг шаклланиш жараёнида вужудга келади.

Мен юқорида таъкидлаганимдек, Академиянинг моҳияти унинг номида мужассамлашган. Унда ҳаммаси акс этган: у бизнинг давлатчилигимиз, фуқаро жамиятни қурилишида, сиёсий, иқтисодий тизимларнинг ислоҳ қилиннишнда, биз олдимиизга қўйган мақсадларга эрепнишда тарихий, ҳал қилувчи эҳамиятга эга бўлиши керак.

Худди шу сабабли Академиянинг низоми, унинг ташкилий, таркибий, ўкув дастури, энг муҳими, кадрлар билан тўлдириш қондалари, ўқитувчилар ва тингловчиларни ташлаш тизими уни ташкия этишдан кўзда тутилган мақсад ва мўлжаллардан келиб чиқиши зарур.

Бу борада жамиятимиз ва иқтисодиётимизни ислоҳ қилишдаги мавжуд муаммоларга ва олдимиизга қўяётган асосий вазифаларга яна бир бор тўхталиш мутлақо ўринли бўлади.

Биринчида, бугунги кунда шу нарса мутлақо равшан бўлмоқдаки, инфляцияни бартараф этиш мамлакатда иқтисодий ислоҳотларни амалга оширишда биринчи даражали аҳамиятга эгалир. Ҳозирги вақтда бу – асосий муаммодир.

Инфляция даражасини тубдан қисқартирмасдан, инфляцияни кутиш қайфиятини иўқотмасдан туриб иқтисодий тана ззулдаги барча шуксонларни енгизи, иқтисодиётни барқарорлаштириш, корхоналарни ишлаб чиқариш ва сармоя жаёб этиш борасидаги фаоллигини кўтариш, аҳолининг реал даромадларини ошириш мумкин эмас.

Ушбу йуналишда биз анчагина ишлар қилдик. Республиканииг банк ва молиявий тизими жиддий ўзгармоқда. Тижорат банкларининг яхлит тармоғи вужудга келди. Эмиссияга қарши тартибга солиш бўйича кучли чора-тадбирларнинг амалга оширилиши нархларни янада эркинлаштиришда инфляция даражасини бирмунча қисқартириш имконини берди.

Агар йил бошнда инфляция 16 фоиздан ошган бўлса, ҳозирги вақтда у ойнга 1 фоиздан сал кўпроқни ташкил қиласди.

Бироқ бу кўрсаткич фоят кескин, муҳим иқтисодий муаммоли ҳал этишдаги дастлабки қадамлардир. Бугунги кунда ишлаб чиқилаётган макроиқтисодий мўлжаллар шунга асос берадики, келгуси йида инфляциянииг ўртача ойлик даражасини тахминан уч баравар қисқартириш мумкин бўлади.

Иккимчилаш, давлат мулканини хусусийлаштириш ва мулкдорларнииг ҳақиқий синфиин шаклантириш бўйича бошләган ишмизини охиригача етказишмиз керак.

Хусусийлаштириш масалаларида биз сифат жигатидан яиги босқичга қадам қўйдик. "Кичик хусусийлаштириш"ни, яъни маҳаллий саноат, савдо ва хизмат кўрсатиш соҳалари корхоналарини давлат тасарруфидан чиқарини амалга ошира бориб, биз муряян тажриба ортиридик, мутахассислар тайёрладик.

Булар бугунги кундаёқ сезиларли натижаларга олиб келди. Ҳозир миллий даромадининг яр-

мидан кўпроғини, қишлоқ хўжалиги ишлаб чиқарниш, савдонинг деярли бутун ҳажмини давлатга қараашли бўлмаган сектор бермоқда. Мазкур сектор узлуксиз ривожланмоқда.

Давлат корхоналарини кенг кўламда акциялаштириш орқали хусусийлаштириш жараёнини тугаллаш яқин келгусидаги мұхим вазифадир. Бу эса, ўз навбатида, фонд биржасини, қимматли қоғозлар биржаларини кенг ривожлантириш ва эркинлаштиришни, уларни нафақат Ўзбекистонда, балки ундан ташқарида ҳам очишни ва ҳар томонлама тарғиб қилишини тақозо этади.

Ишлаб чиқарниш акциялаштириш, очик турдаги акционерлик жамиятларини ташкил этиш аҳолининг барча қатламларини ушбу жараёнга фаол жалб қилиш учун кенг имкониятлар очади.

Мулкдорларниг ҳақиқий сипани шакллантириш реал ҳақиқатга айланади.

Хусусийлаштириш жараёнини номигатина ўтказиш бизниснинг иқтисодий сиёсатимизга зиддир. Бушлан кўзланган асосий мақсад — бутун мол-мулкни ularниг ҳақиқии эгалари қўлига беришдир.

Мулкчилик муносабатлари масалаларида яқин вақтлар ичизда қатъий ўзгаришлар амалга оширилиши керак. Мулк ўзининг ҳақиқий эгаси қўлига ўтишига эришини зарур. Фақат ана шундагина унинг эгаси ушбу мулкни сақлаш ва кўпайтириш учун курашиди.

Мулкнинг мулкдорга том маънода хизмат қилишига, унинг мулк эгасига, бутун мамлакатга фойда келтириб, ҳар бир фуқаронинг фаровонлигига хизмат қилишига эришиш зарур.

Ана шуда пайдо булаётган мулкдорлар сипфи ўз мамлакатининг иқтисодиётини мустаҳкамлайдав чинакам манбаатдор булади, ижтимоий тузумини мустаҳкамлаш ва ҳимоя қилиш, ижтимоий-сиёсий барқарорликни таъмишлаш учун барча имкониятларни яратади.

Иқтисодиётни ислоҳ қилиши жараёнларини ва йўналишларини диққат билан кузатиб бораётган киши, шак-шубҳасиз, кичик ва хусусий тадбиркорлик йўлида очилаётган улкан имкониятларни, берилаётган катта эътиборни кўриб турибди.

Бугунги кунда парламент – Ўзбекистон Республикаси Олий Мажлиси қабул қилаётган барча қонунлар, Президент чиқараётган фармонлар ва ҳукумат қарорлари, амалга ошираётган ишларимиз мамлакатда унбу соҳани жадал ривожлантиришга қаратилгандир.

Унбу тадбирлар натижасида пайдо бўлган ўрта ва хусусий тадбиркорлар тоифаси яқин келажакда давлатимизнинг ишончли ва мустаҳкам таянчи бўлади, деб умид қиласмиш. Бу таянч қўйида гиларни таъминлайди:

- ички бозорни товарлар билан тўлдириш;
- хорижий сармоя ва энг янги технологияларни жалб этиш;
- аҳолининг, биринчи навбатда, ишлаб чиқаришни хусусий бизнеснинг тадбиркорлиги ва изланувчалигини билан биҳ жаҳон бозорини рақобатбардонали маҳсулотлар билан таъминлай оламиш. Ўзбекистонинг фикримизча, энг муҳими, атрофимиизда муҳим ўзгаришлар юз бермоқда – ўзига ишончли, келажакка ишонадиган, мустаҳкам, барча илфор янгиликларни қўллаб-қувватланига тайёр ижтимоий қатлам – мулклорлар қатлами ўсмоқда.

Худди шу сабабли биз қонунчилик ва амалий ижрочилик фаолиятимизда тадбиркорларниң ана шундай тоифасини ривожлантириш учун зарур бўладиган энг имтиёзли шарт-шароитларни яратамиш.

Учинчидан, миллий валютани мустаҳкамлаш ҳозирги даврдаги ва яқин истиқболдаги энг муҳим устувор вазифадир. Миллий валютанинг жорий қилиниши билан ҳаётимизда сифат жиҳатидан янги босқич бошланди. Миллий валюта, бу – мустақиллик рамзиdir. Бизнинг муқаддас бурчимиз эса – ўз валютамизни кучли, бутун жаҳонла ҳурмат қилинадиган ва бизнесменлар учун жонбадор валюта қилишdir.

Бугунги кундаёқ бизнинг сўмимизни жорий конвертациялаш таъминланмоқда. У етарли дарражада барқарорлир. Биз келгуси йилдаёқ уни қатъий валютага эркин алмаштирилишини таъминлашга реал яқинлашдик.

Тўртничида, чуқур таркибий ўзгартиришлар қўлмасдан, биз ўнлаб йиллар мобайнида тўплан-иб қолган иқтисодий муаммоларни ҳал эта олмаймиз, номутаносибликларни бартараф қилолмаймиз.

Фаол таркибий сиёсат – бу стратегик вазифадир. У кўплаб инвестицияларни талаб этибгина қолмай, балки келгусида республикамиз иқтисодиётини қандай бўлиши, биз жаҳон бозорига қандай салоҳият билан чиқишимиз тўғрисида аниқ тасаввурга эга бўлишни ҳам талаб қиласди.

Бу узоқ вақт талаб қиласиган вазифадир, бироқ уни ҳал этишга бугунги кундаёқ киришиш зарур. Айнац ҳозирги вақтда Ўзбекистонинг иқтисодий мустақиллигини таъминлаш муамми энг долзарб бўлиб турибди. Биз умумиттифоқ меҳнат тақсимотининг салбий оқибатларидан, бошқа постсоциалистик мамлакатларга хомашё ва технологик жиҳатдан боғлиқ бўлишдан мумкин қадар тезроқ ҳалос бўлишимиз зарур.

Бунинг учун бизда тегишли барча табиий, минерал-хомашё, иқтисодий ва энг муҳими – интеллектуал салоҳият мавжуд.

Биз бу соҳада ҳам қисқа муддат ичидан салмоқли шатижаларга эришдик. Ўз олдимиизга қийин, бироқ мамлакат тақдири учун муҳим вазифа – энергетика ва фалла мустақилиигига эришиш масаласини қўйиб, ҳозир бу муаммони ҳал этиши арафасида турибмиз.

Тузилма ўзгаришлари, импорт маҳсулотларининг ўрнини босадиган ишлаб чиқаришни кенгайтириш туфайли республиканинг айrim ресурсларни четдан олиб келишгага бўлган эҳтиёжи ҳам сезиларли даражада камайди.

Биз иқтисодиётимизни таркибий жиҳатдан тубдан ўзгартиришга эндиғина киришмоқдамиз. Биз ишлаб чиқариш тузилмасини бутунлай қайта кўриб чиқишимиз лозим. Рақобатга бардошли, жаҳон бозорига мўлжалланган тайёр маҳсулот, техник жиҳатдан мураккаб, илм-фан ютуқлари асосида ишланган маҳсулотлар, харидоргир кенг истеъмол моллари ишлаб чиқаришни йўлга қўйиш устувор вазифалардан ҳисобланади.

Азиз дўстлар!

Биз яхши англаб олишмиз керакки, ички сармояларни сафарбар қилиш ва хорижий сармояларни кенг жалб этиши билангина туб тузилма ўзгаришларига эришиш мумкин.

Бунинг учун биз мақбул ҳукуқий ва иқтисодий шарт-шароитни яратиб қўйганимиз. Йилдан йилга хорижий сармоядорларнинг Узбекистонга қизиқиши ошиб бораётгани қувончли ҳолдир. Ҳозирнинг ўзидаёқ хорижий капитал иштирокида автомобил, рангли металлар, нефтни қайта ишлаш маҳсулотлари ишлаб чиқарish бўйича йирик корхоналар бунёд қилинмоқда, коммуникация ва алоқа тизимлари қайта қурилмоқда ва янгидан барпо этилмоқда.

Бу маблағлар иқтисодиётимиз тузилмасида ижобий ўзгаришлар юз беришига кўмаклашади.

Эрнинилган ижтимоний-сиёсий барқарорликни, иқтисодий ислохотларниң муваффақиятли амалга ошириластганини ҳамда республикамиздинг келажагини юксак баҳолаган хорижий сармоядорлар ва сармоя ажраталиган давлатлар хозирининг ўзидаёқ иқтисодиётимизга ҳар йили тахминан бир ярим миллиард доллардан ортиқ сармоя сарфланы истагини билдиришимоқда.

Бизниңг вазифамиз — иқтисодиётимизга қўшилган ҳар бир сўм ёки доллар сезиларни даражада рақобатга бардошли маҳсулот ва модий незъматга айланишинга эрнинишдан иборат.

Яна бир муаммо, кинилар тафаккурини ўзгартириш, эски қолиллар, энг аввало, боқимандалик кайфиятларидан қутулиш зарур. Жамиятга янгича фикрлай олишга қодир кишилар керак. Биринчи наебатда, ўз иродамизга таяниб, қобилиятимиз ва ишбилармонлигимизга суюниб, ўз куч ва имкониятларимизни тўғри тақсимлаб янги ҳаёт қуринимиз, ҳақиқий келажак учун курашинимиз лозим.

Бугунги кунда гўзал мамлакатимизда маънавий кўтарилик кўзга ташланмоқда, жамиятда бунёлкорлик руҳи ҳукм сурмоқдаки, уни ҳар томонлама мустаҳкамлаш зарур.

Мустақиллигимизни мустаҳкамлаш йўлидаги энг катта масала, кишиларимиз дунёқаранида, жамиятимизда Ватанга меҳр юяси биринчи ўринда туриши керак. Ҳар қандай иш асосига миллий орнат, миллий гурур, миллатчилик ёки шовинизмга алоқаси бўлмаган, мана шу мамлакат, мана шу ҳалқقا мансублиги учун куч-кувват бағишлагайдиган гурур қўйилиши лозим.

Бу муқаддас тушунчалар миллати ва диний эътиқодидан қатти назар, мана шу юрг, мана шу муқаддас заминда яшаётган ҳар бир кишининг ҳаёти, онги, қони ва жисмига сингиб кетишни керак.

Ўтмишимииз ва келажагимиз учун қулрат бағищлайдиган мана шу ифтихор туғуси билан биз янги авлодларни тәрбия қилишимиз, ўз миллий давлатимизни қуришимиз лозим.

Давлат қурилиши ҳақида гапирав эканмиз, биз босиб ўтилган йўлни, ҳамма нарса ягона мағкура тазийиқида қотиб қолган дормалар, штамилар ва қолипларга бўйсундирилган собиқ маъмурӣ-буйруқбозлик тизимини тугатиши юзасидан қилингандиган ишларни таңқидий кўз билан кўриб чиқишимиз лозим.

Бу борада ҳозиргача кўпгина иш қилинди, бироқ биз янги давлат ва жамият тузилмаларини шакллантиришда, кўппартиявийликни йўлга қўйишда, сиёсий, ижтимоий ва маънавий тикланишни амалга оширишда, савияни юксалтириш масалаларида, айтиш керакки, ахборот фаоллигини қотиб қолган ҳолатдан чиқариш борасида қиласи ишларимиз бу соҳадаги биринчи қадамлардир.

Буни очиқ тан олиш лозим. Бу ўринда социалистик тоталитар тизимдан эркин бозор иқтисодиётига, давлат тузилмаларини демократиялаштиришга ўтиш моделининг ўзини тўла оқлаган тажрибаси амалда мавжуд эмаслигини ҳам қайд этиш адолатдан бўлур эди.

Ҳурматли дўстлар!

Амалга оширилган муайян ишларимизни баҳолаб, олдимизда турган улкан вазифалар хусусида гапирав эканмиз, ўtkазаётган ислоҳотларимиз йўлининг муҳим бир хусусиятига тўхтамоқчиман.

Биз бошданоқ ислоҳотларнинг мацҳур моделларидан нусха олишидан воз кечдик. Ўзимизнинг йўлимизни таиладик, ислоҳотлар жараёнинг асос бўлиши лозим бўлган тамойилларни аниқ белгилаб олдик.

Тўғрисини айтиш керак, бизнинг ислоҳотлар қайси йуналишда бориши лозимлиги масаласига ёндашувимиз ва нуқтаи назаримиз дастлаб хорижда унча хушлангани йўқ. Дастлабки уч йил давомида бизни консерваторликка мойилликда айблаб, бизга иш юритишни ўргатишни ва ҳатто иккимизга тузатиш киритиш майллари ҳам кўриниб турди. Бироқ, ҳаёт ҳамма нарсани жой-жойига қўйди. Бугунги кунда охир-оқибатда ким ҳақ бўлиб чиққани, қайси модел самарали ва прогрессивроқ эканига амин бўлиш имкони бор.

Мисол учун оладиган бўлсак, собиқ социалистик макондаги бошқа мамлакатлардан ҳақиқий ҳаёт ва шаклланган турмуш тарзини ҳисобга олмасдан, ўзгаларнинг тавсиясига кўр-кўронга эргашиш нималарга олиб келганини ҳамма кўриб турибди.

Мустақил Давлатлар Ҳамдўстлиги мамлакатларидаги “Фалаж қалиб даволаз” билан боғлиқ барча уринишлар давлат бошқаруви таъсири сезилмаслиги, шу билан бирга, бозор иқтисодиётини амалга оширадиган зарур ташкилотлар, яъни бозор инфраструктураси ташкил бўлмаганлиги кўп жиҳатдан салбий натижаларга олиб келиб, бир қанча мамлакатлар учун ҳалокатли оқибатга ҳам айланди. Ислоҳотларни бошлаш пайтида кўпчилик эски нарсаларни тезда бузиб ташлаш, бозор муносабатларига шошилинич равишда ўтиш кишини бир зумда бой қилиб юборади, муносиб ҳаёт кечириш имкониятини яратади, деб ўйланлар ҳам оз эмасди.

Бироқ, зарур шарт-шароитнинг мавжуд эмаслиги, бир сўз билан айтсак, ҳаёт ҳақиқатини рал этиш бу каби ҳомхаёлларнинг рўёбга чиқишига йўл қўймади.

Бошқа мамлакатларнинг аччиқ тажрибаси шуни кўрсатадики, ўтиш даврида дадил чора-тад-

бирлар билан бозор тузилмаларини ривожлантиришда кўмаклашишга қодир фаол ислоҳотчи— давлат зарур экан.

Ҳаётнинг ўзи шунни тасдиқладики, бозорни қўллаб-куватловчи механизм ва тузилмаларни барпо қилмасдан туриб, тсгишли шароит туғдирмасдан туриб, режали иқтисодиётдан бозор тизимишга ўтишини амалга ошириб бўлмайди.

Бу вазифаларни ҳал этниш учун эса кучли, қулратли давлат, юксак малакали, ахлоқан баркамол ходимлар керак.

Биз олдий ҳақиқатни тушуниб сийшимиз керак: бизимвиг давлатимиз, жамиятимизни бирор чётдан келиб қуриб берманади. Уни ҳаёти ўз ватанининг келажаги билан узвий боғлиқ бўлган биз ўзимиз, шу мамлакат фарзандларки бувёд этамиз.

Бу эскича фикрлаш юқидан холи бўлгани янги ходимлар тайёрлашнинг ягона тизимини яратишни тақозо этади. Таълим беришининг, маънавий, ахлоқий ва касб малакаси бўйича тарбиялашнинг мутлақо янги тизими ишлаб чиқилиши зарур. Сифат жиҳатидан бутунлай янги ўқув дастурлари яратилиши даркор.

Биз яхши биламизки, бугунги талабларга бутунлай жавоб берадиган, олдиндан тайёрлаб қўйилган мутахассислар ва раҳбарларнинг ўзи йўқ. Ҳаммамиз ҳам ўтган замондан, ўтган тизимдан чиққанимизни тан олишимиз керак. Ва бизнинг қонимизда эскича қолип, эскича фикрлашнинг муайян асоратлари борлигига ҳам иқрор бўлишимиз шарт.

Шу билан бирга, яхши англаймизки, янгича фикрловчи кишиларни тайёрламасдан, тарбия қилмасдан ўз олдимизга қўйган вазифа ва мақсадларни рўёбга чиқара олмаймиз.

Хўп, масала шундай қўйиладиган экан, табиий бир савол туғилади, яъни янги, замонавий ме-

зонлар билан фикрловчи одамлар, ходимларни тарбиялаш учун, бу ишии давлат иўлига қўйиш борасида нималар қилдик?

Албатта, бизнинг олии ўкув юртларимиз, бошқа илм даргоҳлари давлат қурнишенинг бу муҳим соҳасига ёндашувларни ўзгартириш бўйича кўп ши қилмоқда. Ҳаст тажрибасининг ўзи хам бугунги талабини тутигуналигани кўплаб раҳбар ва мутахассисларни тарбияламоқда. Бундай мисолларни кўп учратиш мумкин. Лекин, очигини айтганида, ҳар хил қолиллардан холи, мутлақо янти давлат барпо этиши учун давлат ҳокимияти ва бошқарувини эплайдиган, ижтимоий тараққиётга ривож берадиган, уни мустаҳкамлайдиган мутахассислар ва фидойи одамларни тарбиялашга ҳануз киришганимиз йўқ.

Менинг фикримча, бугунги кунда бу соҳа—кадрлар тайерлаш ши маблағ сарфлашда энг даромадли бўлган соҳага айланмоқда. Чунки бу тармоқ эртага ҳар қандай давлатининг, халқининг, миллатининг тараққиёти учун зарур бўлган олтин омил—стук мутахассисларни бера бошлайди.

Бу, албатта, алоҳида мавзу, лекин мен бу гапларни шунинг учун айтганиманки, Академия айнан ана шу масалаларни ҳал этиш мақсадида ташкия қилинмоқда.

Академия ташкил этиши, бу щунчаки орзу, мода ортидан қувши, янги бир институт ташкил этишига интилиш эмас, балки табиият зарурат, қонуният тақозоси ва ҳаётий эҳтиёждир.

Биз ўтган йиллар давомида тўплланган тажриба ва билимлардан фойдаланиб, маълум маррага этиб келдик. Ислоҳотларни амалга ошириш борасидаги бундан бўёнги олға силжишиларимиз тобора қийин муаммога бориб тақалиши мумкин: у хам бўлса — юксак малакали ходимларининг, энг аввало, давлат ҳокимияти ва бошқаруви, жамият

идоралари, банк ва молия тизимини бошқарадиган даражадаги раҳбарларнинг етнотаслигидир.

Шунни яхши англанимиз керакки, энди пайнаслаб юриб олға силжин мумкин эмас. Явги билимларни згалламасдан туриб, бушлан буёғига ҳаракатланы олмаймиз.

Академиянинг вазифаси фақаттина муайян нафар кадр тайёрлаб бериншлангина иборат эмас, балки у ўзининг илмий, педагогик салоҳияти асосида бутун маориф тизимини ислоҳ қилиш учун янги мұхит, янги шароит яратиб беринш лозим.

Хорижда ўқиш учун қанча одам юбормайлик, хорижник дўстларимиз кадр тайёрлашда қанчалик ёрдам бермасин, биз ўзимизнинг ўқув дастурларимиз ва аҳолини маънавий тарбиялаш дастурларини қайтадан кўриб чиқмас эканмиз, ҳеч нарсага эриша олмаймиз.

Вақт ўтиб бормоқда. Бизнинг ўрниимизни босадиган янги авлод стишиб чиқмоқда. Масаланинг моҳияти улар ҳаётга қандай билим, қандай интеллектуал ва маънавий бойлик, қандай замонавий билимлар билан кириб келшишади.

Улар қайси ғояларни олға суради? Қандай маънавий қадрннатларни афзал кўради? Ахири, гап биз мамлакат тақдирини ишониб топширадиган янги авлод ҳақида кетмоқда.

Ҳурматли мажлис иштирокчилари!

Академиянинг асосий вазифалари аниқлаб қўйилган. Улар энг аввало қуйидагилардан иборатdir:

Давлат, ижтимоий ва хўжалик тузулмалари ходимлари орасидан талантли, интеллектуал иқтидорли тиғловчиларни танлаб олиш, уларни сиёсий, маънавий-ахлоқий ва малака дараҷасини опириш, уларни республикада миллий ва умумбаашарини қадрннатлар уйғулиги асосида қурилган ҳуқуқий демократик давлатни ва фуқа-

ролик жамияткын шаклаштыришаның эңтиқодлы тарафторлары қылаб тарбиялаш. Бұу Академияның ассоциациясының мүшкіндерінде.

Шунингдек, Академия олдига бошқа вазифалар хам құйылғанки, улар қүйідегилар билан бөлгіледір:

— раҳбар кадрлар ва мутахассисларни аттестациядан ўтказишнинг яни тизимини ишлаб чиқишида ва жорий этишида катнашиш:

-- давлат ва шытимоний қурылышни, иқтисодий ривожланишини такомидаштириш, психологияя и социологияя соңаларыла илмий тадқиқоттар үтказып, шунингдек кадрлар сиёсатини такомидаштириш учун тавсияномалар ишлаб чыкып;

— калрларни қайта тайёрлаш ва уларнинг мала-
касини оширишни муассасалари фаолияти соҳалари
бўйича концепциялар, дастурлар, лойиҳалар ва тав-
сияномаларни экспертиздан ўтказиш.

Шуны ҳам қандай этиш керакті. Академията кадрлырымнан тайёрланауда қатишиш учун хорижий мамлекеттердегі танысушылардың үкүү ва ишмий марказларынан мащук олғандаир ва мутахассисларни жалб этиш үүчүн көзөнүү болуп берилгандан.

Үкүв жараёнида төгөлжилдүрүлгүү ривожланган хорижий мамлакатларла түпланган ижобий тажрибаларни, хорижий тилларни ўрганишга, Ўзбекистоннинг тарихий мероси ва мислий анъанаалари соҳасидали бүтимларни эгадлаштыга эътибор қаратылади.

Таълим бернишда раҳбар кадрларни ҳар томонда ма интеллектуал, маънавий ва профессионал ўстириш масалалари мухим ўрин тутади.

Биз уларни етакчи хорижий ўкув ва илмий марказларда, халқаро ташкылотлар ва фирмаларда тажриба ўрганишларини ташкил этишни назарда тутганимиз.

Үқицни мұваффақиятлы тамомлаганлар раҳбар ходимлар билан таъминлашға резерв бўлиб хизмат килади.

Муҳтарам дўстлар!

Шунга ишончимиз комилки, бу борада кўп нарса Академияда ишлайдиган, ўқитадиган ва унга раҳбарлик қиласидиган мутасаддиларга боғлиқдир.

Бу борада ҳам бизда қўйилган талабларга жавоб берадиган тайёр кадрлар, профессор-ўқитувчилар таркиби йўқ. Буни биз тушунамиз.

Шу сабабли, ишонаманки, Академиянинг мураккаб фаолияти давомида унинг ўқитувчилар таркиби мустаҳкамланиб ва куч-файратга тўлиб боради.

Бирорни ўқитадиган, тарбия қиласидиган инсон, аввало, ўзи ҳар жаҳатдан баркамол бўлмоғи шарт. Замон талаблари шуки, профессор ва ўқитувчилар ўзларида мавжуд билан савия билан чекланиб қолмасдан, хорижий мамлақатлар тажрибасини, биз энди бошлаган йўлни илгари босиб ўтган давлатлар тажрибасини қунт ва сабот билан ўрганиб, мағзини чақиб, ундан кейин ўз талабаларига сабоқ беришлари зарур. Буни амалга оширишда хорижий тилларни пухта эгаллаш керак.

Шу билан бирга, мен Академия фаолиятига амалий ишда бой тажриба орттирган олимларимиз ва профессорларимиз, халқаро ва хорижий ваколатхоналар ва элчихоналар раҳбарлари жалб этилишини истардим.

Бугунги ҳаётимизни янгилаш ва ислоҳ қилиш борасидаги ҳар қандай қимматли ғоялар ва фикрлар соҳиблари билан учрашиш, ҳеч муболағасиз айтиш мумкинки, нафақат Академия тишгловчилари учун, балки унинг ўқитувчилари учун ҳам бутун бир мактаб бўлиши муқаррар.

Бу борада мен Сиз, хорижлик ҳамкасларга ва дўстларга жуда катта умид билан қарайман. Биз хорижий меҳмонларга, Европа ва Америка

олимлари ҳамда амалиётчилариға катта умид билдираман. Ўзбекистондаги ижтимоий ва давлат қурилишининг барча соҳалари бўйича ўзларининг қизиқарли ғоялари ва тавсияномаларини Академия билдириш баҳам кўрнишини хоҳдайсан Германия, АҚШ, Япония, Россия ва бошқа мамлакатлар билан ҳозирдаёқ келишиувлар мавжудлиги бизни қувонтиради ва бу тақлифларни миннатдорлик билан қабул қиласмиш.

Ишончим комилки, Академия аудиторияларидаги ўқитилишининг бундай тизими, олиб бориладиган эркин мулоқотлар ўзининг керакли самарасини ва натижаларини беради, албатта.

Мұхтарам дўстлар!

Биз яхши биламизки, турмушда ҳамма нарса-нинг ўринини ҳаётий зарурат белгилайди. Ҳаётий зарурат бўлмаса, маънавий эҳтиёж бўлмаса, бошлиланган ишилардан бирон-бир самарали натижалар кутиш амримаҳол.

Халқимиз асрий орзуларининг рӯёбга чиқиши, мустақил давлатчилик асосларини бунёд этиш учун көнг имкониятлар яратилицы.

Ана шу имкониятлардан самарали фойдаланган ҳолда биз бой тарихий меросимиз, анъана-ларимиз, ижтимоий қадриятлар, давлат Қурилиши борасида ривожданган мамлакатлар эришган тажрибаларга таяниб миллий давлатчилигимиз пойдеворини қўйдик. Бозор иқтисодиётига асосланган адолатли жамият, кучли демократик ҳуқуқий давлат қурниш йўлидан босқичма-босқич илгари бормоқдамиз.

Мамлакатимиздаги барқарор тинчлик, миллатлар ўртасидаги тотувлик ва осойишталик, иқтисодий ислоҳотлар ўтказишдаги изчиллик бунинг ёрқин далилидир.

Эндилика одамларимиз ижтимоий, иқтисодий, маданий ислоҳотлар борасида юргизаётган

Мустақил давлатчилик сиёсатимиз моҳиятини тобора чуқур англаб етмоқдалар. Қўлларини ва руҳий-маънавий иштилишларини боғлаб турган кўзга кўришимас кишинлардан, мустабидлик асроридан озод бўлмоқдалар.

Албатта, бу осон ва енгил кечадиган жараён эмас. Бинобарини, оёғи ердан узилган, хомхәёллардан озиқланган собиқ шўролар мафкураси яратган бу кишинларни парчалаб ташлаш, қуллик мафкурасидан холос бўлниш ҳар бир фуқародан мустаҳкам ирода, ўткир сиёсий оиг, Ватан ва халқ манфаати йўлида фидойилик талаб қилади.

Бугунги кунининг энг муҳим вазифаси—ҳаётимизниң барча соҳаларида, айниқса, бошқарувда, республика миқёснда, вилоят, шаҳар, туман, қишлоқ ва маҳаллаларни бошқаришда, тармоқ бўгинларини идора этишида янгила фикрлайдиган, қийин дамларда масъулнини ўз зинмасига ола биладиган, ҳаёт билан ҳамқадам юрининг Қодир, имони пок, бизимдон, ишбиярмон одамларни тошиш, уларга ишонч билдиришдан иборатлир.

Халқимизда “ўи қўшчига бир бошчи”, деган ибора бор. Бунинг маъноси шуки, халқимиз азалазалдан ўз етакчиларига қаттиқ ишонган, ихлос қўйган.

Шу ўринда бугунги ҳаётимиздаги муайян бир номутаносибликийи ҳам очиқ эътироф этишиниз керак. Бошқарувининг қуий қатламларида, айниқса, ишлаб чиқариш соҳасида янгиликка иштишиш, янгиликни жорий этишига саъй-ҳаракатлар бор. лекин бу олижаноб майл ва ҳаракатлар ўрта ва юқори бўғинларда, хусусан, мамлакат ва эноражикларни ва идоралари даражасида ўтирган, тўрачичларни ўзларига касб этиб олган лоқайл, эскича фикрлайдиган, ўзини хон, кўлашласини

майдон ҳисоблайдигац, янгиликка йўл бермайдиган ношуд кимсаларнинг қаршилигига дуч келмоқда. Бизнинг қатъий фикримиз шуки, бундай кишилар ё танқиддан зарур хулоса чиқариб, тез орада ўз фикр ва савияларини ўзгартирадилар. Ёнки биз уларнинг бутунлай баҳридан утамиз.

Шонли тарихимизда буюк давлатчиликка асос солган соҳибқирон Амир Темур ўз Тузукларида: “Тажрибамда кўрилганким, ишибилармон, мардлик ва шиҷоат соҳиби, азми қатъий, тадбиркор ва ҳушёр бир киши минг-минглаб тадбirsiz, лоқайд кишилардан яхшидир. Чунки тажрибали бир киши минг кишига иш буюради”, деб ёзган эди.

Азиз дустлар!

Халқимиз мустақил мамлакатимиз келажагига катта умид ва ишонч билан қарамоқда. Бу катта умид ва ишонч замирада бой тарихимиз, беқиёс маънавий меросимиз, адолатли жамият қуриш асослари, жонажон Ўзбекистонимизнинг Аллоҳ таолло инъом этган табиий бойликлари, томирида улуғ аждодлар қони жўш ураётган ёш авлод салоҳияти мужассам.

Ана шундай эзгу орзу-ҳавасларимиз ижобат бўлишига Давлат ва жамият қурилиши академияси ҳам муносиб ҳисса кўшади, лея ишонч билдиришга ижозат бергайсиз!

Барчангизга мустақам соғлиқ, ўқиниларингизда омад, илмий-педагогик фаолиятларингизда янгидан-янги муваффақиятлар тилайман!

*1995 йил 3 октябрда
Давлат ва жамият қурилиши
академиясининг очилиши
маросимида сўзланган нутқ*

МУНДАРИЖА

Келажакка ҳатъий ишонч билаш боқамиз. 1995 йил 29 июлда Узбекистон Республикаси Вазирлар Маҳкамасининг 1995 йил биринчи ярим йиллик якувла- рига багишланган мажлисида сўзланган нутқ	3
Маънавий бирлик сари муҳим қадам. 1995 йил 28 августда Бишкекда туркий тилини диплатлар бошлиқлари- нинг учрашувида сўзланган нутқ	18
"Манас" — қирғизининг азалий ва абадий қомуси- дир. 1995 йил 28 августда Бишкекда "Манас" эпосининг 1000 йиллик тантаналарида сўзланган нутқ	26
Ўзбекистон теннис мамлакати бўлади. 1995 йил 29 август куни Тошкентда "Президент кубоги" учун II халқaro турнир очилиши маросимида ҳамда 1995 йил 2 сентябрь куни ёпилишида сўзланган нутқ	31
Биз ҳуриш, яратиш йўлидан бораверамиз. 1995 йил 30 август куни Узбекистон Республикаси Олий Мажли- си III сессиясида сўзланган нутқ	38
Ватан мангу қолади. 1995 йил 31 август куни Ўзбекистон Мустақиллигининг 4 йиллиги муносабати би- лаш ўтказилган тантаналарда сўзланган нутқ	55
Ҳарбий таълим замон талабларига мас желсиз. 1995 йил 2 сентябрь куни Узбекистон Республикаси Қуролли Кучлар академиясининг очилиши маросимида сўзланган нутқ	59

Спорт — бирдамлик ва тотувликка чорлайди. 1995	
йил 2 сентябрда Тошкентда 1 Марказий Осиё ўйинлари	
очилиши маросимида сўзланган нутқ	67
Дўстлик, тинчлик ва бунёдкорлик йўлидан. 1995	
йил 4 сентябрда Грузия давлати раҳбари, Грузия Парла-	
менти Раиси Э. Шеварднадзе шарафинга уюштирилган	
ҳабул маросимида сўзланган нутқ	70
Мигтақада хавфсизлик ва ҳамкорлик учун. 1995	
йил 15 сентябрда Тошкентда Марказий Осиёда Хавфсиз-	
лик ва ҳамкорлик масалаларига багишланган кенгаш-се-	
минарда сўзланган нутқ	76
Юксак малакали мутахассислар — тараққиёт омили.	
1995 йил 3 октябрда Давлат ва жамият қурилиши акаде-	
миясининг очилиши маросимида сўзланган нутқ	88

Ислам Абдуганиевич Каримов

**МЫ И ДАЛЬШЕ
БУДЕМ ИДТИ ПО ПУТИ
СТРОИТЕЛЬСТВА И СОЗИДАНИЯ**

На узбекском языке

Издательство "Узбекистон"— 1995,
700129, Ташкент, Навои, 30.

Нашр учун масъул *Б. Омонов, Г. Каримови*
Расмлар муҳаррири *О. Соибназаров*
Техник муҳаррир *У. Ким*
Мусаҳдиҳ *С. Тоҳирова*

Теришга берилди 5.10.95. Босишга рухсат этилди
7.10.95. Қогоғ формати 70x90 1/32 босма қозозига
"Гаймс" гарнитурада оғёст босма усулида босилди.
Шартли босма л. 4.09. Нашр. л. 3.92. Тиражи 20000.
Буюртма №688 Баҳоси шартнома асосида.

"Узбекистон" нашриёти, 700129, Тошкент, Навоий, 30.
Нашр №250—95.

Оригинал-макет масъулияти чекланган "Ношир" жамияти
техникий ва программавий воситалар базасида тайёрла-
ниб, Узбекистон Республикаси Давлат матбуот
қўмитасининг ижирадаги Гошкент матбаа комбинатида
босилди. 700129, Тошкент.
Навоий кўчаси, 30.

Каримов И. А.
**K26 Биз куриш, яратиш йўлидан боравера-
миз.—Т.: Ўзбекистон, 1995.—112 б.**

ISBN 5-640-02000-9

**Ўзбекистон Республикаси Президенти
И. А. Каримовинг мэдур китобига мамлекатимиз
иқтисолий-сийёй тарақкистининг муҳим масалала-
рига балишланган маъруза ва нутқлари киритилган.**

ББК 66.3 (5У) +66.4 (5У)+ 65.9 (5У)

**K 0804000000 - 137
M 351 (04) 95**

**№687—95
Алишер Навоий иомидати
Ўзбекистон Республикасининг
давлат кутубхонаси**